

M214: Speculum ecclesiae

3v,25 Oratio pro ecclesia
 3v,26 Nv schvlt ir hivte lazzin gniezzin die heiligin christenheit .
 3v,27 daz ivch min trehtin hivte hie gesamnet
 3v,28 hat . in sinem dienst . vn- schult unsern herrn [...] [...]

4r,1 [...] [...] wolte . do wolte er in allererste enbietin sine kvnft .
 4r,2 er wolde si trostin . daz si da nach ich gezwuelotin .
 4r,3 unte mit sinem troste sterchen . daz ewichlichen
 4r,4 iht verlorn wrten . die boten da vur sante . daz was
 4r,5 . s . Ysaias unde andere wissagen . Nu uernemt den
 4r,6 trost den er sinen boten bevalch . Er sprach . “Ir mine
 4r,7 dienstlivte . saget den armen die da ligent in
 4r,8 so grozzim sere . die da gezwivelt habent in ir siechtvom .
 4r,9 unde sprechet zvo in . Ir uil wenigis gemuotis .
 4r,10 sterchet iv . wan got iwir chumt . vn- wil ivch heilen .
 4r,11 er machet iv gesunt von allim iworm siechtvom .”
 4r,12 “So er nu chumt” sprachen sine botin . “so werdent
 4r,13 die blinten gesunt . die torsin horinte . die halzn
 4r,14 springente . die stvmmen sprechente .” Si warn
 4r,15 blint wan si got niht erchantin . Si warn torn .
 4r,16 von div . daz gotis wort virvnrvochtin . Si warn halz .
 4r,17 wan si in gvotin werchen niht giengin . Si warn
 4r,18 stvmmen . wan si ir sunte gote niene chlagtin .
 4r,19 Die vier schvlde . die angengotin an dem erstim
 4r,20 mennisch . Unser vater adam . der wart tore an
 4r,21 dem erstim gebot . wan also uns div bvoch sagent .
 4r,22 do in vnser herre in daz paradys gesazti . vnde im
 4r,23 allez daz vf der erde ist . vndertan machte . do
 4r,24 wolte er adames gehorsam bewarn . vn- zeigte im

4v,1 ein obez . daz schonir was den ander obiz . unde gebot
 4v,2 im . daz er allez daz azze . daz er wolte . vn- daz eine obiz
 4v,3 verbare . unte seite im . swenne er daz gezze . daz er des
 4v,4 euvigin todis mvose ersterbin . Leidir do uolgte er
 4v,5 dem leidigim tiefil . daz er iz gaz . want er im geheizzen
 4v,6 hete . swenne er daz obiz geazze . daz er got glich
 4v,7 wrde . leidir an der selben stet ulos er zwei gewizzin .
 4v,8 daz er gotis gebot uerchos . da was er tore . do

4v,9 er dem tiefil gevolgote . daz er wante daz er got glich
 4v,10 wrte . da was er blint . daz im da nach vnser herre
 4v,11 verweiz: “Ecce adam . quasi unus ex nobis factus est”
 4v,12 Wa nu adam der da wante daz er chvnftich got
 4v,13 scholte werden . nv ist er arm wortin . der glich
 4v,14 wolde sin . Patri et filio et spiritui sancto . nu hat er ein andirz
 4v,15 vundin . den er gedingte . Da nach wart er
 4v,16 hinchinde . do er got solte haben gev^oorft . do cherte
 4v,17 er an daz unreht . do in der eiterhaftin slagis verwnte .
 4v,18 do wart er mit bosin werchin hinchente .
 4v,19 Sin erstiz werch adames . was ein hovbthafft sunde .
 4v,20 zwene v^oozze sol haben ein ieglich mennisch . waz
 4v,21 sint die zewene vozze . Div minne gotis . unde
 4v,22 unsers ebinchristis . swer der dewedirz ane ist . der
 4v,23 ist halz . von div wart adam hinchente . daz er sine
 4v,24 choni mer minnite denne got . wande er ir

5r,1 ratis volgote . do er daz werbotin obiz az . vnde wart
 5r,2 got ungehorsam . der im iz uerbotin hete . von div muos
 5r,3 er hincen . Stvmme wart er an der bihte . wande
 5r,4 leider sine schulde chert er gar uf sin wip do er sprach ada- .
 5r,5 “die du mir ze huschnoze gabe” “michi sotiam dedit mihi etc .”
 5r,6 “Herre . daz wip .” sprach adam . “die du mir ze gnozsefte
 5r,7 gabe div gab mir daz obiz . vnde az ich .” do er sprach .
 5r,8 “daz wip die du mir gabe .” do cherte er alle sine schulde
 5r,9 uf daz wip . vnde wolte got vervnlivmin an dem
 5r,10 worte . daz er sprach . “die dv mir gabe .” Nv habet ir
 5r,11 vernomen . wie adam tore wart . halz . blint . vnte
 5r,12 stvmme . in dei selbin lastir viel alliz manchvne .
 5r,13 e daz der heilige christ in dise werlt chome .
 5r,14 Si wrtin alle so blint . daz si div apgot an pettin .
 5r,15 Si warn so ertort . daz der guote wissage sanctus Ysaias .
 5r,16 den got wr sich sande . sprach zvo im . “Domine quis credit
 5r,17 auditui nostro .” “Herre wer glovbet vnser bredige .”
 5r,18 da nach wurtin si alle hinchente . mit ubeln werchin .
 5r,19 also geschriben ist . Omnes declinauerunt simul .
 5r,20 Daz sprach sanctus dauid . der gotistrvt . “Si sint alle
 5r,21 gneiget . an daz vbil . niemen ist der gvot tvo .” Stvmmin
 5r,22 warn si alle . von div . daz si ir sunde verswigtin .
 5r,23 vn- die got niene clagtin . div laster elliv heilte
 5r,24 der himelisch arzat . die blinten machte er

5v,1 gesehente . do er in den sin gab . daz si die heiligin schrift
 5v,2 verstvonden . vnde daz erchanden . daz der heilant
 5v,3 chomin was . Ir orin offnote der heiligi christ . do
 5v,4 er zvo in sprach . “Qui habet aures . audiendi audiat”
 5v,5 Do er in einis tages uon dem gotis riche seite . do sprach
 5v,6 er zvo in . “Swer orn habe der vernem daz ich im sage .”

5v,7 sa warin ir orn horinte daz gotis wort . daz si vil wirdechlichen
 5v,8 enphiengin . Nv habet ir vernomen div
 5v,9 zwei dinch . dei in der wissage gehiez . cum ait .
 5v,10 “Tunc aperientur oculi etc” daz der blintin ovgen vf
 5v,11 getan wrden . vnde der torn orn . wurdin gehorente .
 5v,12 Nv schult ir vernemen wie si halz warin
 5v,13 vn- stvmmen . Da an warn si halz . daz si den rehtin
 5v,14 wech niht giengin . do rihte der gotissun ir
 5v,15 stepphe . do er ir herze erwachte . zvo dem wege der
 5v,16 himilischn heimode . So sint vnseriv herze wol gerihet .
 5v,17 so si niht awichent wedir ze der vinstern .
 5v,18 noch ze der zeswin . Div zesiv . dannen wir redin .
 5v,19 ist div gotis barmherz . Div vuinster . ist der vnsalige
 5v,20 zewivil . dannin sprach sanctus Ysaias . “Hec est
 5v,21 uia anbulate in ea . neque ad dexteram . neque ad sinistram”
 5v,22 Er sprach . s . ysaias . ich han iv geleret den rehtin wech .
 5v,23 an dem get noch . en auvichet weder ze der zeswen .

6r,1 noch ze der winster . Ivdas . der got vnsern herren
 6r,2 verriet . vnde die tiefil die danches veuielin . vn-
 6r,3 do gezwivelotin . die chertin an die winstir . origenes
 6r,4 der geawichte ze harte an die zeswin . da
 6r,5 von . daz er bridigote daz got so gnadich ware . daz
 6r,6 er nach siner vrteile die tiefil vnde alle sine nachvolgare
 6r,7 loste vber tusint iare . Von div schvl wir
 6r,8 dem mitterm stige volgin . wir schuln wedir an
 6r,9 got gezwiveln . noch ze harte vf sine barmherze
 6r,10 suntin . Dannin sprichet sanctus dauid . “Benepiacitum
 6r,11 est domino super timentes eum . et in eis qui sperant super
 6r,12 misericordia eius” Er sprach . daz got lindes gemvotis ware .
 6r,13 wider die in vorhtin . vn- die ze siner barmherz gedingen
 6r,14 hetin . iewedirz hat er dar gesezit . s . david .
 6r,15 rehtin gedingin . vnde got ze vvrhtin . Gedinge an
 6r,16 vuorhte . der ist vnrehtiv balde . Vorhte an gedinge .
 6r,17 daz ist zewivil . die zvo sache leitent einen ieglichen
 6r,18 svntar an den rehtin wech . Von dem selbim wege .
 6r,19 sprach . s . Johannes . “Parate uiam domini . rectas semitas dei . nostri .”
 6r,20 Er sprach . “machet den wech unsers herren . rihtet
 6r,21 die stige des heiligen christis .” An dem selbem stige .
 6r,22 schvln wir springen . also ein hirz . also da geschribin
 6r,23 ist . Saliat claudus sicut cerws . So der hirz

6v,1 chvmit ze sogetanin stetin die dornich sint . un-
 6v,2 lettich . so hevet er sich ze springen . unde springit
 6v,3 snelle dar uber . also schuln wir tvon . so uns div
 6v,4 girde rihtvomes begriffi . div emzigliche suntare
 6v,5 stichet . daz er nach gewinne sorget . odir ob uns
 6v,6 div sunteglische bosheit der vnsaligin huorlvste .

6v,7 begrifet . so schuln wir mit vrymchlichem mvote .
 6v,8 dr ubir springin . vn- schuln dizze gemvotte da bicherin .
 6v,9 Der hirt vermidet dei tiefin telri . vnde
 6v,10 ist gerne vf der hohe . Also schuln wir miden die
 6v,11 tiefin sunte . unde schuln ilen zvo dem hohem himilriche .
 6v,12 Der hirt so er eraltit . so verslindet er den
 6v,13 ubeln slangin . vn- von der grozzen hizzu denne
 6v,14 in im ist . so ilet er zvo einem brunnin . Also er
 6v,15 den getrinchet . so verlat er die altin hut . unde sin
 6v,16 gehurne . vnde wirt iunch . Also schuln wir suntare
 6v,17 tvon . schuln den vbeln slangen . den leidigen
 6v,18 vient . nider slahen . schuln danne loffen zvo dem
 6v,19 lebintigim brunnen . dem heiligim crist . suln
 6v,20 unser alte hut da lazzin . waz ist div hut . unsir
 6v,21 ubermvot . schuln unsich niv wizen . unser sunte
 6v,22 lazzen . gotlichen nach unser bihte lebin . daz
 6v,23 wir gesprechen mvgen mit . s dauid . “Quem

7r,1 admodum desiderat ceruus ad fontes aquarum .”
 7r,2 Nu vernemet ovch mere . “Et apperta erit lingua mutorum .”
 7r,3 Daz ist div wiede suht . die unser herre geheilte .
 7r,4 die stummin machte er sprechente . do unser herre
 7r,5 sprach . zvo der menigi . “Agite penitentiam .” “Bvozzit
 7r,6 iwer vnreht .” die sich e schamtin . ir sunti begehin
 7r,7 die begvndin do ze bvozzin ir unreht . s MaRIA
 7r,8 Magdalena div gerte antlas . un- vand in . div e
 7r,9 stvmme was . Der heilige schachare gerte antlazz
 7r,10 an dem cruce . vn- wart sin gewert . der e sine sunte
 7r,11 verhal . Nu haben wir iv geseit . waz nvzzes div
 7r,12 chunft des oberstin arzatis dirre werelt brahte .
 7r,13 nv ist ervollet div prophetia . daz die heiligin wissage .
 7r,14 wissagtin . nv ist chomin unser aller arzat . hat
 7r,15 die siechin geheilet . nv sehe iwer iegliche ob er siech
 7r,16 si . an der sele . iwer allir ovgin sint offin . von div
 7r,17 daz ir an got gelovbet . nu sehe iwer iegliche . daz
 7r,18 er iht tori si . daz ir daz gotiswort iht vlieht odir
 7r,19 verwidert . Hvotit ivch . daz iwer dehein iht awichi .
 7r,20 von dem rehtim wege . die avir iemir gevallin
 7r,21 sin . die chomin widere . ze rehtir bechantnvsse .
 7r,22 unzi si daz zit haben . hie mag man riwen . bvozzin .
 7r,23 vastin . almosin gebin . des mag alles dort

7v,1 niht sin . vergebet alle anander: so gewinnet ir antlaz
 7v,2 iwer sunti . vn- gerihtit ivch in disem chvzrim
 7v,3 zite . daz ir iwer heilant gmahelichen enphahen
 7v,4 muozzit . in der andern chunfte . so er zornich
 7v,5 chumit . in siner manchrefte . mit allen
 7v,6 sinen engeln . z erteilen lebintigin unde totin .

- 7v,7 ieglichem nach sinin werchen . sicherlichen also
 7v,8 div heilige scrift sprichet . da erbarmet er sich uber
 7v,9 niemin . niewan also ieglich mennisch erschet .
 7v,10 in dem selbem bilde wir er erteilet . Nv
 7v,11 uolgit dem gvotim . s . Paulo der uns ratit . “Hora
 7v,12 est iam nos de somno . surgere .” Er sprichet “nu ist div wile
 7v,13 daz wir von dem slafe vf schuln sten .” “Abitiamus
 7v,14 ergo opera tenebrarum etc .” “Wer got” sprichet . s . Paulus .
 7v,15 “liebiv chint . werfet von iv dei werch der vinster .
 7v,16 dei suntigin werch . Hvor . haz . vbermvot . vntrivve .
 7v,17 luge . ander hovpthafte sunti . vn- watit ivch
 7v,18 mit dem gewaffene des oberstin lichtis . Vermidet
 7v,19 vberazze . trvnchenheit . ander bosheit . in disem
 7v,20 kvrzim zite . want er ein minnare ist . allir
 7v,21 reine . vn- allir kivsche . dem ir wartit .” Solte der
 7v,22 wereltliche kvnich chomin . zvo iuwirm hus . so
 7v,23 zierit ir z . so ir beste mahtit . Von div . zierit iweriv
- 8r,1 herze mit gvotin tugindin . mit gvotin werchen .
 8r,2 un- tultit die heiligin chunft unsers herren .
 8r,3 daz ir ze der andern chvnfte umbe iwer unreht
 8r,4 iht verteilt werdet . Wan also div heilige scrift
 8r,5 sprichet . in siner erstin chunfte . chom er vil senfter .
 8r,6 An der urteile . chumit er mit vil michelm
 8r,7 zorne . Dar umbe bittit in vil innichlichen . siner
 8r,8 gnade . daz er sinen zorn rvoch von uns ze chern . unde
 8r,9 ruoche uns uerlihen rehtis glovben . guotis lebinis .
 8r,10 daz wir an dem iungistim tage vrolichen mit sinen
 8r,11 heiligin engeln . gefrovt muozzin werdin . Adiuuante
 8r,12 eodem domino nostro . qui cum patre et spiritu sancto vivit et regnat deus
 per secula seculorum . Amen .
 8r,13 Sermo . IN natale domini Apparvit
 8r,14 benignitas et humanitas saluatoris nostri . non
 8r,15 ex operibus iustitie que fecimus nos . sed secundum misericordiam
 8r,16 suam salvos nos fecit . Also ir uil dicke uernomen habet .
 8r,17 do der leidige tievil uerstozzin wart . durch
 8r,18 sine ubermvot . von dem himelriche . do neide er
 8r,19 daz . daz der mennische solti besitzen die gnade
 8r,20 die er uerlorn hete . unde geriet adame daz er
 8r,21 ovch geuiel . Do erbarmte iz dem almahtigin
 8r,22 got . daz elliv werlt die er geschaphen hete . solti
 8r,23 verlorn werdin . do wart er enein . daz er einin
- 8v,1 botin santi . unde den armen menschin losti .
 8v,2 zvo der losunge wolte er deheinin engil sentin .
 8v,3 wande er wol wisti daz die engel ovch e . gevallin warn
 8v,4 von ir ubirmv\ote . niemen wolte er sentin . von div .
 8v,5 daz er uvol wisti . daz der armi mennische brodir

8v,6 nature ware . daz er lihti sunti . dannin was sin
 8v,7 notdurft . daz er den santi . der nimmir suntin
 8v,8 mahti . von div . santi er sinen einborn sun . unsern
 8v,9 herren den heiligin crist . Apparuit benignitas etc
 8v,10 Von div . sprach wol . s . Paulus . “Nu ist erschinnin
 8v,11 div gnade vn- div mennischeit . unsers heilantis .
 8v,12 war got vn- war mennisch . nivechet von deheinin
 8v,13 gvotin werchen . dei wir ie geworhtin . sunter uon
 8v,14 siner grozzin barmherze .” Div geburt unsers herren
 8v,15 wart eroffenit uil manich wis . si wart eroffent
 8v,16 uon den heiligen engeln . hirtin die ir schafe huotin .
 8v,17 Si wart ovch eroffent von einim sterne . drien
 8v,18 kvnigin . Man hat gelern . an dem heiligem ewangelio .
 8v,19 daz hirte warn in dem lante . da unser herre
 8v,20 der gotissun geborn wart . wachente unde huotinde .
 8v,21 ir vihes umbe mittinaht . allin gahes
 8v,22 stvont der heilige engel . s . Gabriel bi in . vn- vil
 8v,23 michil lieht alumbe si . daz si in micheln vorhtin

9r,1 warn . do sprach der engil zvo in . “Niwit furhtit iv . wande ich tuon iv
 9r,2 hie ze stete chundunge . div allir werlt ze vrovden
 9r,3 wirt . von div . daz iv hivte geborn ist . der heilant
 9r,4 dirre werlt . Christus selbe in der stat dauid ze betlehem .
 9r,5 daz si iwir zeichen . ir uindit” sprach der engel
 9r,6 “ein chint . mit tvochelinin gewindelotiz . ist
 9r,7 geleit in eine grippe .” Sa ze stvndin chom dar michil
 9r,8 menige des himelischen heries . zvo sante Gabrieli
 9r,9 lobtin si got . siner gnade . vnde sungin
 9r,10 “Gloria in excelsis deo .” Do sogetani bottschaft die
 9r,11 gvotin hirte vernamen . do rietin si einander .
 9r,12 “Eamus usque in bethlehem .” Si sprachin . “gen wir
 9r,13 zvo bethlehem . vnde besehen ob daz war si . daz
 9r,14 vns der engel hat gehundit .” Do si dar chomin .
 9r,15 do vundin si also er in geseit hete . daz was michil
 9r,16 reht . daz ein engil die bottschaft vurve . von
 9r,17 div . daz allir engil kunich geborn wart . vnde
 9r,18 was rehte . daz er mit michelme liehte da erschine .
 9r,19 uon div . daz er den warn sunnin in dirre vinster
 9r,20 eroffenti . wesin offenbare inrunnin . Den
 9r,21 hirtin wart er durch daz gehundit . daz der geborn
 9r,22 wart der da sprach . “Ego sum pastor bonus”
 9r,23 Er sprach . “Ich pin ein gvot hirte . mine sele sezze

9v,1 ich vur miniv schaf .” Von einim sterne wart er
 9v,2 iroffent drien kunigen . von div . daz da geborn
 9v,3 wart . der eine kunich ist allir kunige . unde ein
 9v,4 stern ist allir sterne . Von div was rehte . daz der
 9v,5 selbe gotissun gehundit wart hirtin un- kunigin .

- 9v,6 wan er beidiv was . kunich un- ewart . geborn
 9v,7 uon kvnichlihem unde uon ewartlichem
 9v,8 geslahte . Von kunichlichem geslahte was er geborn wande er was uz kunich
 Daudis geslahte von erwartlichem geslahte was er
 9v,9 ovch geborn . wan div heilige schrift seit uns .
 9v,10 daz unser frovwe . s . MARIE niftil was der frovwen
 9v,11 elisabeth . s . Johannes muotir . Der urone bote
 9v,12 s . Gabriel . warf die boteschaft . nu vernemet
 9v,13 wie er zvo den hirtin sprach . “Ecce euangelizo uobis
 9v,14 gaudium magnum . quia hodie natus est saluator .”
 9v,15 “Ich chunde iv” sprach der heilige engil . “grozze
 9v,16 mandunge . geborn ist der heilant dirre werlt .”
 9v,17 Gwisse was daz grozziv mandunge . alliz manchunni
 9v,18 was e in vanchnusse . des ewigin todis .
 9v,19 nu ist geborn der heilant dirre werlt . nu ist
 9v,20 geborn der arzat aller sele . von div ist guot ze urovwine .
 9v,21 Die heiligen engel vrovwint sich der geburte
 9v,22 unsers herren . daz der zehenti chor solti
 9v,23 wider geauirt werdin . dannen der tieuil

 10r,1 was vertriben . unde alle sine nachuolgare un-
 10r,2 sungin . “Gloria in excelsis deo . et in terra pax hominibus bone voluntatis
 .”
 10r,3 “lob un- ere si got in den himeln . urid uf der
 10r,4 erde . den mennischin guotis willin .” Vride wart
 10r,5 gehundit den mennischin die guotis willin
 10r,6 warn . daz schult ir merchen . vmbe waz gesprochin
 10r,7 si guotis willin . Der gevougite daz guote .
 10r,8 da div stat guotir werche niht mach sin . wan
 10r,9 div guote wile hilfet daz guote .
 10r,10 vil diche . vur div werch . guotiv werch . vrumit
 10r,11 auir niht . da en si der gute wille . Nu
 10r,12 habin wir iu gesagit . wie erschinnin ist div
 10r,13 gotheit . unde div mennischeit unsers heilantis .
 10r,14 nu schuln wir ivch niht virswigen .
 10r,15 die antreit siner geburti . Dannin sprichit . s . Ysaiaas
 10r,16 der heilige wissage . “Egredietur uirga de radice
 10r,17 iesse . et flos de radice eius ascendet” Er wissagte daz ein
 10r,18 gerte entsprunge . uon der wrze iesse . unde
 10r,19 ein bluome uon dem selbim samen . daz selbe
 10r,20 zeichin wart eroffint . wilen . do die iuden
 10r,21 uzzer egypto vuorin . Do gebot got dem heiligim
 10r,22 moysi daz er zewelfe gerte durri leite . uon
 10r,23 dem zeuelfe geslahte iacobis . in ir bethus .

 10v,1 der was einiv aaronis . des andern morgins wart .
 10v,2 do hete diu gerte aarons bluomin un- este . nuzze
 10v,3 giwinnin . nu sint ervullit beidiv div alte bezeichnungen .

10v,4 unde diu heilige pphetia . Iesse
 10v,5 was uatir des kuniges dauid . div wrze iesse bezeichente
 10v,6 unser frowen . s . MARieN . der blvome
 10v,7 ist der gotissun . Daz selbe bezeichenti div gerte .
 10v,8 aarons . div an saf nuzze gebar . s . MARie . div
 10v,9 an mannis samen den heiligen Christum gebare .
 10v,10 ein nuz hat driv an iri rinte . schale . chern . Div
 10v,11 bittir rinte . bezeichent daz vleisch unsers herren .
 10v,12 daz die martyr an sich nam . div schal . bezeichent
 10v,13 div lider . unsers herren . der chern bezeichint
 10v,14 die luter gotheit . Div salige geburt
 10v,15 unsers herrin . ist bezeichent mit einem tiere
 10v,16 vil vreissam . heizzit einhurne . uon div . daz
 10v,17 iz niewan eines hornis hat . daz mach nieman
 10v,18 gevahin . wan mit einer magde . die zierit man
 10v,19 mit vil schonir wat . unde setzit si an daz velt .
 10v,20 da iz hin lovfet . so iz danne dar chumit . so leit
 10v,21 iz sich in ir schoz . vnde wirt also gevangen .
 10v,22 Daz tier bezeichent den heiligin crist . Sin
 10v,23 born gotis chraft . der ruochte sich ze neigen .

11r,1 in daz schoz . unser frowen . s . MARieN . ruochte
 11r,2 mennisch uverdin . ruochte geuanguin werdin .
 11r,3 durh uns gemartirt werdin . Als hivte wart
 11r,4 ervollit div boteschaft . die der heilige engel . s .
 11r,5 Gabriel warf . do chom iz also daz . s . Ioseph
 11r,6 varin solti . zvo bethlehem mit unser frowen
 11r,7 s . MARieN . do si do underwegin chomin
 11r,8 do was daz zit erwollit . daz . s . MARie den gotissun
 11r,9 gebern solte . also drate cherte si in
 11r,10 einen stal . unde gebar unsern herrin den heiligin
 11r,11 Christum . leite in in eine chrippe . da der esel .
 11r,12 un- der ochse uz azzin . danni wissagte . s . Ysaias .
 11r,13 “Cognouit bos possessorem suum . et asinus
 11r,14 presepe domini sui .” Wol erchantin der esel un- daz
 11r,15 rint . daz heilige gotiskint . Wie mahte sin
 11r,16 gnade grozzir widir uns sin . den daz der riche
 11r,17 gotissun . durch uns ruocte arm werdin .
 11r,18 des himel unde erde ist . ruochte in einen barm
 11r,19 ze ligene . Hivte hat div sieche werelt von ir suntin
 11r,20 enphangin daz ewige heil . hivte hat der
 11r,21 e gevangin was von dem leidigim tiefil . vritvom
 11r,22 gewnnen . hivte ist den verellentin menniskin
 11r,23 sin erbe eroffint . Von div . heft vf iwer sele

11v,1 unde gereinet iwir herze . gegin einem sogetanem
 11v,2 kunige . unde enphahit in uil durnachtlichen
 11v,3 mit vrovdin hie in disem bosem brode-

11v,4 lebene . daz er uns her nach gnadichlichem ruoche
 11v,5 enphahen in der himelischen Jerusalem . Qui
 11v,6 viuit et regnat deus per In octaua . domini .
 11v,7 Dvm consummati essent dies
 11v,8 octo . ut circumcideretur puer . uocatum
 11v,9 est nomen eius Iesus quod uocatum est ab angelo priusquam
 11v,10 in utero conciperetur . Daz sint kurziv wort . s . euangelii
 11v,11 unde sint iedoch tief . mit vil manger bezaichinunge .
 11v,12 der heilige euangelista . s . Lucas scribit
 11v,13 daz here ewangelium . unde sprichet . “Do ervollit
 11v,14 wrdin haht tage . daz daz chint besnitin solti
 11v,15 werdin . do wart iz geheizzin iesvs . den nam-
 11v,16 gab im der heilige engil . e daz sin mvotir sin
 11v,17 swanger wrde .” daz sint di ewirdichlichen
 11v,18 mandunge . dirri hivtigin hohzit . daz ist
 11v,19 div tult des heiligin tagis . daz sint die heiligen
 11v,20 gebi . der obristin gnade . die der heilige
 11v,21 bote . s . Paulus allin guotin livtin bevilhit
 11v,22 ze behaltin . Ubi venit plenitudo temporis misit deus filium suum etc . Er
 11v,23 sprichet . “do div uolle des zitis chom . do sante

12r,1 got sinen sun geborn uon einem wibe . untir
 12r,2 der e daz er die erlose . die untir der e warn .
 12r,3 daz ovch wir den wnsch siner kinde enphiengin .”
 12r,4 Do unser herre der almahtigi got ruochte
 12r,5 in dise werlt ze chomin . unde er unser mennischlichi
 12r,6 brode an sich genam . do wolt er ovch
 12r,7 alliz daz ervollin daz div e gebot . Div alti e gebot .
 12r,8 daz ein ieglich deginchint an dem ahtodin
 12r,9 tage besnitin wrde . unde an dem vierzigistin
 12r,10 tage nach sinir geburti . des Kindes
 12r,11 muotir mit opphere . ze chirchin chome . des
 12r,12 allis was unser herre gehorsam wortin sinir
 12r,13 gebot . Also hiute an dem ahtodim tage . lie
 12r,14 er sich besniden . an disem vleische . der ane
 12r,15 sunti was chomin in dise werelt . div alti e .
 12r,16 brahti die selben gnade den kinden die besnitin
 12r,17 wrdin . daz si ledich warn der sunte .
 12r,18 die si von adame hetin . also div here tovfē nv
 12r,19 urvmit den . die getovfet werdent . wan des
 12r,20 einen . daz si in daz himelrich niht chomin .
 12r,21 mahtin . e der geborn wart der uns daz himelrich
 12r,22 entsloz . mit sin selbis tode . Daz er hivte
 12r,23 ruochte namin an sich ze nemen . daz er iesvs hiezzi .

12v,1 an dem tage da er besnitin wart . daz tet er ze nachuolge .
 12v,2 des errin gebotis . daz . s . Abraham
 12v,3 uon im virnam . unde iz mit den werchin ervulte .

12v,4 Do . s Abraham uon unserm herren uirnam
 12v,5 einin geheiz . daz uon sinem geslahte geborn
 12v,6 solti werden der gotissun . dar umbe minte
 12v,7 er got mere . den alliz daz . daz er hete . unde erv\olte
 12v,8 elliv siniv gebot . mit forhtin . do satzte im
 12v,9 got eine e . daz er sich hiezze besnidin an siner
 12v,10 geschafft . unde die gewonheit liezze sinen aftirchomin
 12v,11 des selbin tagis do er besnitin wart . do
 12v,12 merte im got sinen namen . e hiez er Abram .
 12v,13 daz ist geantvristet obristir vatr . da nach Abraha-
 12v,14 daz kvit vater vil mangir diete . Der uil
 12v,15 getriwelich geheiz . der ist nv so eruullet
 12v,16 uber alle werlt . daz ovch wir suntare . wir
 12v,17 da geladet pirn ze dem heiligem glovbin von
 12v,18 der heidenschefte . des schuln wir unsich vrovwin .
 12v,19 daz wir in ze geistlichem vater habin
 12v,20 gewunnin . Also der heilige Paulus sprichet .
 12v,21 “Si autem uos xp-i . semen abrahe estis .” Er kvit
 12v,22 “alle die christis sint . die sint abrahames geslahte .
 12v,23 die sint ovch nach sinem geheizze erbin

13r,1 des himelriches .” da nach sprach unser herre ze
 13r,2 Abrahamen . “Et saray . sed saram .” Dine chonin
 13r,3 saray . die solt u niemer heizzen saray . daz ist
 13r,4 geantvrist . mine frovwen . si sol heizzin sara .
 13r,5 daz kvit vurste . uon div . daz si sol sin wrste aller
 13r,6 guotin wibe . unde muotir guotir sele . Sicut
 13r,7 sara obediebat abrahe . uocans eum dominum . cuius
 13r,8 estis filie beneficientes et non timentes ullam
 13r,9 perturbationem . Sanctus Petrus . do er sach daz vil
 13r,10 manich wip von der heidenschefte gelovbich
 13r,11 wart . do ladete er si ze diemv\ote . Ze chusche . daz
 13r,12 si bilde namen von ir muotir der frovwen sara .
 13r,13 unde sprach . Also sara gehorsamte abraham- .
 13r,14 unde hiez in ir herren . der tohtir ir birt . sam
 13r,15 schult ir guotlichen lebin also von rehte ir tohtir .
 13r,16 Dise rede habn wir iv durch daz geseit . daz
 13r,17 ir ivch vrovwet sogetaner vrovde . in der gnozzeschaft
 13r,18 ir mit dem heiligem glovben . mit der
 13r,19 heiligen tovfe sit geladit . Nu ist besniten hivte
 13r,20 der heilant . unde hat enphangen einen namen .
 13r,21 heizzet iesvs Christus . in dem namen wir
 13r,22 alle genesin schulin . an der sele . Waz der name
 13r,23 bezeichnen . daz mahten wir vil vbel errechin .

13v,1 hete in der heilige engil niht geantvristet . Der
 13v,2 heilige engel sprach . “din kint MARIA sol heizzen
 13v,3 iesvs . heilant von div . daz er sin livte geheilet

- 13v,4 hat . uon allin ir suntin .” daz schulin wir
 13v,5 gelovbin . unde gedingen . daz er unsich niwet einenot
 13v,6 heilet uon den sunten sunder . ioch uon dem
 13v,7 e\,wigem tode . Also uns dauid geheizzet . Qui
 13v,8 propitiatur omnibus iniquitatibus tuis . qui sanat
 13v,9 onmes infirmitates tuas . Denne allirerste werdñ
 13v,10 wir warlichen un- luterlichen besniten . so
 13v,11 wir mit sele unde mit libe an dem iungistem
 13v,12 tage ersten . unde nach der urteile chomen vur
 13v,13 gotis ovgen . Sechs alter sint uns irzeitet in disem
 13v,14 lebene . in den wir durch got arbeiten schvlin .
 13v,15 daz wir die e\,wigen gnade besizzen . daz diz
 13v,16 sibinte ist . in enir werlt . da wir rvouuin unze
 13v,17 an die urstente . Ovch daz ahtode altir ist div
 13v,18 heilige urstente . daz en gwinnet nimmer ende .
 13v,19 da nach en beswaret der lib nimmer mer die
 13v,20 sele . Von div ist uns notdurft mine uil lieben .
 13v,21 alle die in die vrovde chomen wellen . daz si ir
 13v,22 fleisch hie besniden von aller slaht achuste . un-
 13v,23 ziehin ab den altin man . der ie nach der girde

 14r,1 des fleisches lebte . unde leigein an den niwen
 14r,2 man der nach got gepildet ist . mit heilicheit
 14r,3 in dem rehte aller warheit . Nu mini uil liebín .
 14r,4 besnidet hiute dei orn iwers herzen . von
 14r,5 unnuzelichen gehordin . besnidet iweriv ovgin .
 14r,6 uon unsalichlichem gesuni . iweriv naslocher .
 14r,7 von ubelm wazze . iweriv munt . von ubelm smacche .
 14r,8 iwer herze . uon ubeln gedanchen . iwer zvngen .
 14r,9 von ubeln w%ortin . iwer hente uon ubeln
 14r,10 grffen . daz der ubele tot . imer chomen megí
 14r,11 zvo unser sele . Besnidet . also wir gesprochen haben
 14r,12 hiute . iwer herze mit steininen mezzern .
 14r,13 waz sint div steininen mezzern . daz ist rehter
 14r,14 gelovbe . rehtir gedinge . div ware minne . da wir
 14r,15 uns tagelichen besniden schuln . Daz wir an
 14r,16 dem ahtodim tage der heiligen urstenti . also
 14r,17 ersten muozzin . daz wir rawichlichen wr gotis
 14r,18 ovgen chomen muozzin . an sunti . in der niwe
 14r,19 des heiligen lebns . Prestante donimo nostro qui vivit et regnat deus . Amen
 14r,20 per secula seculorum . Amen .

 33v,23 [...] [...] Daz klaget David .

 34r,1 “Circumdederunt me gemitus . mortis . dolores inferni circumdederunt
 me .”
 34r,2 Do er sprach “mich habent begriffent div leit
 34r,3 des ubeln todís . div sere der grimmigin helle

- 34r,4 habint mich geuanguin .” Die sibintzic tage
 34r,5 da wir nu inne sin . die sint uns bezeichent .
 34r,6 mit sibintzic iaren . dei die iuden in uanchnusse
 34r,7 warn . mit notin unde mit angestin .
 34r,8 in dem lande regis assyriorum . Daz was uor
 34r,9 cristis geburte . do hetin die iuden in Jerusalem
 34r,10 wider got vil harte getan . hetin got ir herrin .
 34r,11 der si uz egyptelande fuorte . unde in daz beste
 34r,12 lant daz uf der erde ist uergebin gab . den
 34r,13 hetin si uerlazzin unde bettin an ir abgot . dar
 34r,14 umbe liez si got un- uerhancte uber si grozzis
 34r,15 uallis . Dar chom der kunich uon babylonia .
 34r,16 nabuchodonosor . bisaz Jerusalem . an dem zehentim
 34r,17 iare gewan er Jerusalem . unde ersluoch die
 34r,18 tiweristen alle die da warn . blante den kunich .
 34r,19 unde sluoch im elliv siniv kint uor sinen
 34r,20 ovgen . unde vorte in do blintin mit allin den
 34r,21 die da frume warn ze babylonia . Da nach vor
 34r,22 des kuniges choch . der hiezze nabuzardan . wider
 34r,23 zuo Jerusalem . unde nam alliz daz uolch . daz sin

 34v,1 herri der kunich da uerlazzin hete . er vorte iz
 34v,2 alliz ze babylonie . da warin si sibinzic iare
 34v,3 en vancnusse . mit herwem dieniste . unze daz
 34v,4 sich got ubir si erbarmote . daz er si dannin loste .
 34v,5 Nu schult ir merchen mine uil liebin . waz
 34v,6 bezeichnenunge disiv rede habe . Assur bezeichent
 34v,7 ubermuot . Babylon schante . Nabuchodonosor
 34v,8 den tiefil . dei kint babylonis . hellekint . Jerusalem .
 34v,9 ein gesune des frides . der obristen haimode .
 34v,10 dannin uerlaite uns nabuchodonosor der ubile
 34v,11 tiefil . unde fuorte in babyloniam zuo der ewigen
 34v,12 schante . setzit unsich zvo den babylonis
 34v,13 kinden . wer sint div . daz sint irrare . trugeliche
 34v,14 christen . heidin . unde alle die . die ubil tuont .
 34v,15 unde daz niht buozzin wellint . Nu uernemet
 34v,16 ovch mere . do die arme iuden ze babylonia sazzen
 34v,17 mit sere . do sprachin zuo in die herren
 34v,18 in babylonia . “Cantate nobis de canticis syon .”
 34v,19 “Singet .” sprachen si in zvo . “uns des frolichen sanges .
 34v,20 daz ir in Jerusalem sunget .” des antwrtin in
 34v,21 die gevangen . mit den wortin . dei wir hivte sprachen .
 34v,22 “Quomodo cantabimus canticum domini in terra
 34v,23 aliena .” “Wie mahtin wir singen daz gotis

 35r,1 sanch in fromdeme lande .” Si oblitus fuero
 35r,2 tui ierusalem . obliuiscatur me dextera . “Ob wir immir ergezzin”
 35r,3 sprachin si . “unserre heimode Jerusalem .

- 35r,4 so uergezze unser got .” Waz tatin si do . Da sazzin
 35r,5 si zvo dem wazzir da ze babylonie . unde woftin
 35r,6 swenne si gehugtin an Jerusalem . so hangten
 35r,7 ir seitespil an den widen die bi deme wazzir
 35r,8 stuntin . Dannin sprachin . s . d . “Super flumina babylonis
 35r,9 sedimus et fleuimus . dum recordaremur
 35r,10 syon .” Daz selbe alliz bilden . wir iv
 35r,11 iarliche in der heiligen christeit . zi disim zite .
 35r,12 Want also si alle tage wartin . wenne si got
 35r,13 erlost uon ir uancnusse . un- si wideri ruochte
 35r,14 ze bringen . in terram promissionis . Sam schuln
 35r,15 wir mit vastene . mit arbei . unde mit kirchgengin
 35r,16 wartin der gotis urstende . un- der erlosunge
 35r,17 unserre armin sele . Wan also daz iudische
 35r,18 uolch durch sine ubermuot . daz si gotis
 35r,19 gebot ubergiengen . un- gefuort wrdin in babyloniam .
 35r,20 also schuln wir nu dise sibenzic
 35r,21 tage uns selbe mit gotisdienste kolin . sulin
 35r,22 unser sunti wainin . goti tagelichen chlagin
 35r,23 unser missetat . schuln woffente sprechen also
- 35v,1 si sprachin “Quomodo cantabimus canticum etc .” Daz fremede
 35v,2 lant da wir inne biren . daz ist dizze
 35v,3 ellende . Swer der ist . der daz ane denchet . daz
 35v,4 er hie ellende ist . dem ist niht so unmare . so
 35v,5 disiv werelteliche frowde . der spart sin sanch
 35v,6 unze daz . er widerkome . zvo Jerusalem in die himelischen
 35v,7 haimodi denni baltlichen . Super
 35v,8 flumina babylonis etc . Dei wazzir babylonis . sint deu
 35v,9 zerganchiv dinch dirre werelt . wan also dei
 35v,10 wazzir ze tal sigent . sam muozzin wir ze tal sigen
 35v,11 zuo dem tode . uf die widen hengen wir
 35v,12 unseriv seitspil . von div . daz wir dei gotis wort .
 35v,13 den gotis widerwartin . niht vur leigen schuln .
 35v,14 also er sprichet . “Nolite sanctum dare canibus” Hivte
 35v,15 sagen uvir iv . wie nabuzardan der ein vrste
 35v,16 was des kuniges choch . wie er ovch ze Jerusalem
 35v,17 kom . unde zefuorte si . unde vorte in sin lant
 35v,18 die e da bestandin warn . Waz daz bezeichent .
 35v,19 daz sult ir uernemen . Der furste bezeichent
 35v,20 die geluste unsers fleisches chelgite un- allir
 35v,21 slahte gierscheit . uon sogetanir seite wirt gevangen
 35v,22 ein iecliche christen . uon nabuzardan .
 35v,23 uon huore . unde uon huors geluste . unde also
- 36r,1 er da ze Jerusalem die edelin herren sluoch . sam
 36r,2 derbit ubirazze . unde ubirtrunchenheit unser
 36r,3 edele sele . also da geschriben ist . Saturitas

36r,4 ciborum perdidit ierusalem . “Div ubirmazzi maneger
 36r,5 ezzen . uerlos Jerusalem .” Jerusalem ist gantfristet
 36r,6 ein gesune des urides . Wan alle die immer
 36r,7 gesehen wellent die himelischen Jerusalem . die
 36r,8 muozzin ir vleische briteln . uon suntichlichen
 36r,9 girdin . die daz vleisch uil gerne hant . Nu habit
 36r,10 ir uernomin uon der heiligen schrift . wannin
 36r,11 div gewonheit sich huob . dise sibintzic tage
 36r,12 mit arbeite lebin . nu arbeitet da nach . in
 36r,13 disen tagen . daz ir uon der uanknusse dirre
 36r,14 werelt . erloset werdet . unde chomin muozzit
 36r,15 zvo dem geheizzenem lande . daz uns geheizzin
 36r,16 ist . dannen . s . dauid schribit . Credo uidere
 36r,17 bona domini in terra uiuentium “Ich gedinge”
 36r,18 sprach . s . dauid . “daz ich gesehe die suozze minis
 36r,19 herrin . in dem lebintigim lande .” Waz ist
 36r,20 div lebintige erde . div himelische Jerusalem . da
 36r,21 die heiligen engel . unde allir heiligen sele inne
 36r,22 sint . unde ovch wir gedingen habin ze chomin .
 36r,23 uon der barmherze unsers herrin die obristin

36v,1 gnade da ze bestene . Quod ipse prestare dignetur .
 36v,2 Sermo in Quadragesima Ecce nunc tempus acceptabile .
 36v,3 ecce nunc dies salutis . in his ergo diebus
 36v,4 exhibeamus nos . sicut dei ministros . in multa
 36v,5 patientia . in uigiliis . in ieiuniis . et cetera . Zwo stete sint .
 36v,6 die habint ovch zwene herren mislich . einiv ist
 36v,7 des heiligin christes . div ander des ubeln tiefls .
 36v,8 einiz ist div helle . daz ander daz schone himilrich .
 36v,9 in der iewedir ist ein hiwisch . die guotin
 36v,10 unde die ubelin . Die gotisriter werdint gebirieft
 36v,11 an deme buoche der lebintigen . die
 36v,12 schalche des tiefls . werdent bigrabin zvo den
 36v,13 hellewartin . uon den ist geschribin Deleantur
 36v,14 de libro uiuentium . et cum iustis non schribantur .
 36v,15 “Vertiliget werden si abi dem lebintigem buoche .
 36v,16 unde werdin niht geschriben zvo den rehtin .”
 36v,17 Umbe waz werdint die ubeln zuo den unreinin
 36v,18 geistin gestozzin . dar umbe . daz si
 36v,19 uerlazzin habint den brunnin des lebintigen
 36v,20 wazzers . den heiligin christ . der ein brunne
 36v,21 ist des ewigin guotis . der des brunin getrinchit .
 36v,22 den gedurstet nimmir mere . uon div . daz er
 36v,23 im alle sine sunti uertiliget . unde ime git

37r,1 die gnussam des ewigin lebenes . Nu habet
 37r,2 ir vernomen wie egeslich urteile uber ivch getan
 37r,3 ist . umbe iwer sunti . sit ir ze der helle gahtet .

37r,4 uon ubelin werchen vil herwez lon . uon
 37r,5 ubileme werche ubil woher . uon schantlicher
 37r,6 riterscheffe . schantlichiv corona . Div v%ore der suntin
 37r,7 also . s . Paulus sprichet ist der herwe tot .
 37r,8 div v%ore ist niwet uvilgelich . niwet zerganlich .
 37r,9 si ist leidir an ende . uon div birn wir arme suntare
 37r,10 blint . daz wir daz ewige lebin lazzin . un-
 37r,11 ilen in den tot . In der helle ist dehein urlose .
 37r,12 dehein nuzziv bihte . dannin sprichet . s . David .
 37r,13 “Non est in morte qui memor sit tui . in inferno
 37r,14 autem quis confitebitur tibi” EnheiN tot gehugit
 37r,15 an got . In der helle ist auir niemin der gote
 37r,16 sine bihte tuo . Nu schult ir allichlich die rede
 37r,17 nuzzelich uersten . Der riche dannin unser
 37r,18 herre der gotissun in dem heiligem euuangelio
 37r,19 seit . der lazaro sine brosim uerseite . do er begrabin
 37r,20 wart in der helle . do ruwen in sine sunti
 37r,21 vil harte . er beiach uil riwechliche sine missetat
 37r,22 . s . Abrahame . daz alliz half niht . uvan
 37r,23 iz was alliz unnuzze . UVa uon . Da hat uns

37v,1 got in disime lebene stat gebin . ze riwe . ze
 37v,2 bihte . ze buozze . swer sich hie uersumit . der hat
 37v,3 gar uerlorn . dannin sprichet . s . Paulus “Operemur
 37v,4 bonum dum tempus habemus .” “W̄rche
 37v,5 wir guot unze wir daz zit habin .” dannin
 37v,6 sprichet . ovch unser herre durch den munt sines
 37v,7 wissagin . “Tempore placito exaudiui te .
 37v,8 et in die salutis adiuui te .” Er sprach . “In geuellechlichem
 37v,9 zite uernam ich din gebet . unde
 37v,10 in deme tage des heiles half ich dir .” z allen
 37v,11 ziten ware uil salichlich . daz sich der mennisch
 37v,12 gerehte ze sinir hinverte . der ist leider lutzil die
 37v,13 daz tuon . uon div sint uns nu uz genomin dise
 37v,14 uierzich tage . in den wir dem leidigem uiant
 37v,15 verre widersten schulin . unde schulin unsich
 37v,16 got nahen . mit riwigem herzin . mit allir slahte
 37v,17 guote . Dannin hat geschriben . s . Paulus . Ecce
 37v,18 nunc tempus acceptabile et cetera . Dizze ist ein
 37v,19 anphanchlich zit . ieni sint die tage . des heilis .
 37v,20 Waz mainet er da mite . “Hie in disime lebene”
 37v,21 sprach . s . Paulus “ist ein geuelliclich zit . sunti
 37v,22 ze riwenni . sine bihte ze tuon . rehte buozze leistin .
 37v,23 betin . wachen . vasten . anderiv guotin werche

38r,1 z vrumin” in disime zite vernimt ivch got . in
 38r,2 disime zite megit ir wol erweruin daz heil ivverre
 38r,3 sele . Nu merchet ovch mere . der tage sint

38r,4 zewene . ein tach des mennischn . der ander gotis .
 38r,5 Der tach der mennischen . wert also lange unz
 38r,6 si langest lebint . Hie sint die mennische in ir
 38r,7 selbir gewalte . suvedir si wellin nach deme
 38r,8 himelrich arbeitin . oder nach der helle werche .
 38r,9 Auer ist der tac dirri mennischen also
 38r,10 lange . so si in der lute gewalte sint . wer sint
 38r,11 die lute . daz sint die ewartin . die
 38r,12 habint den gewalt uon gote . daz
 38r,13 si den mennischen ir sunti uergebin mugen .
 38r,14 bintin swen si wellint . losin swen si wellint .
 38r,15 hie in dirre werelt . verror gereicht ir gewalt
 38r,16 niht . got hat eine den gewalt . ze gebenni ieglichem
 38r,17 nach dem tode . gnade . oder ungenade .
 38r,18 uon div ist unsers herrin tac nach unserme
 38r,19 tode . denni sint div mennischen in gotis gewalt .
 38r,20 daz si denne nach ir willen . weder ze
 38r,21 himeli . noch ze helle werdint gefuoret . sundir
 38r,22 nach sinen gnadin . un- nach sineme rehte
 38r,23 enphahen muozzin daz er wil . Nac dem tode .

 38v,1 ist gotis tac . uon div . daz er denne erschinet also
 38v,2 er ist . dannin ist geschriben . “Dies domini
 38v,3 sicut . fur ita in nocte ueniet .” “Der tac unsers herrin .
 38v,4 der kumit also der diebe in der naht .” von
 38v,5 div . bedurfin wir niht entwalin . In dizze ellendi
 38v,6 bir wir geworfin . daz wir hie garnin wider
 38v,7 in unser haimode ze chomin . unser erbe
 38v,8 ze besitzin . also wir hie wrchen . also wirt uns
 38v,9 dort gelont . Sagin wir hie wol . wir sniden
 38v,10 dort desten baz . Tempus breue est . Dei wort sprichet
 38v,11 . s . Paulus . Ditze zit ist churz
 38v,12 div werelt div zerget . Nu bitit
 38v,13 ir tagelichen uon wile ze wile unser becherde .
 38v,14 der da sprach in dem euangelio . “Malo uitam
 38v,15 peccatoris quam mortem . ut conuertatur et uiuat .”
 38v,16 “Mir ist leider” sprach unser herre . “des suntares
 38v,17 lebin . den sin tot . ich wil daz er sich bechere
 38v,18 unde ewiglich lebe .” Nu wartit er daz
 38v,19 wir unser unreht buozzin . ist daz wir hie
 38v,20 niht buotzin . so muozzin wir her nach liden
 38v,21 sinen zorn . also . s . paulus uns seit . “Ignoras
 38v,22 quia benignitas dei te ad penitentiam ducit .”
 38v,23 Er sprichet zuo den suntarn . “Weist du des

 39r,1 niht . daz div gotis guote dich leitet ze rehtir rive .
 39r,2 auer nach diner herte . unde nach unriwigem
 39r,3 herzen . schatzist du dir einen grimmigen

39r,4 zorn an dem tage sines zorns .” Wenne
 39r,5 raizzit got sinen zorn . an der urteile . “Stant uf”
 39r,6 sprichet der heilige bote “uon dem fleische . stant
 39r,7 uf uon den totin . so beluhtit dir christ .” nu
 39r,8 slafin wir . uon div . daz wir uergezzin habin
 39r,9 der himelischen heimodi . hie minnin wir
 39r,10 leidir mere den wereltlichen richtuom . den
 39r,11 daz euuige riche . An der gotis urteile so wir
 39r,12 uf sten uon dem tode . so uinde wir niht . so
 39r,13 sten wir bar . nachet chomin wir here . nachet
 39r,14 uar wir hin . uon div . wechet iwer herze uon
 39r,15 dem todelichem slafe . sendit vur ivch . daz ir
 39r,16 dort etwaz vindet . lat ivch iuver unreht rivwen .
 39r,17 bieht iwerre sunti mit durnahtclcher
 39r,18 becherde . Leidir iz sint uil mange . die so unruochlich
 39r,19 sint . so si ir bihte tuont . daz si ane rivve
 39r,20 unde ane zaher sagent daz si denne wellint .
 39r,21 div bihte ist unnuzze . wie salich die zaher
 39r,22 sint . daz schult ir da uon wizzin . s . Petrus .
 39r,23 do er gotis dri stunde uerlovgent . daz en zelt

39v,1 dehein buoch . waz er sprach . wan daz eine .
 39v,2 daz er bitterlichen wainti . s . MaRIA Magdalena
 39v,3 der got ir sunti uergab . div dewoch got sine
 39v,4 vozze mit ir zahern . ir riwe erzeugte si mit
 39v,5 mangem trahen . dannin sprach . s . dauid .
 39v,6 “Lauabo per singulas noctes lectum meum .” “Ich
 39v,7 wasche alle naht min bette mit minen zahern .”
 39v,8 Div heilige schrift sprichet . daz wir unser
 39v,9 sunti megin uirtiliget . mit unsern trahen .
 39v,10 sam si uertiliget wrdin in der tofve . nv
 39v,11 ist niwet gevellichlich . daz wir an der stunde
 39v,12 getovfet werdin in der wazzirtovfe . uon div
 39v,13 muozzin wir unsir missetat . mit unsern zahern
 39v,14 ab waschen . daz ist der same dannin . s .
 39v,15 dauid sprichet . “Qui seminant in lacrimis in
 39v,16 exultatione metent .” “Die hie mit zahern sagent .
 39v,17 die schidint dort mit frovden die ewige
 39v,18 mandunge .” Die guotin trahene weruent
 39v,19 uil diche ovch in dirre werelt daz lanc lebin .
 39v,20 also wir lesin uon einim guotim kunige . was
 39v,21 ze Jerusalem hiez ezechias . dem santi got sinen
 39v,22 botin . daz er sin dinc schvoffe er solti uerscheidin .
 39v,23 sa cherte er sich ze wente unde wainte .

40r,1 do erbarmote iz got . unde lengirote ime
 40r,2 sin lebin vunfezenen iare . uon div . wainet
 40r,3 hie in diseme lebene dancwillen iwer sunti .

- 40r,4 daz ir da z enir werelt iecht beduungenliche
 40r,5 untir iuern danc muozzit woffin . dannin ist
 40r,6 geschriben . “Ibi erit fletus et stridor dentium .”
 40r,7 Mit den zahern sol man uastin . so div sele
 40r,8 mit serigin zahern gewitzit werde . daz ovch
 40r,9 der brode lip . der die sunti da tuot . mit uasten
 40r,10 gechestigit werde . iewedirz gebot . der
 40r,11 almahtige got . per Johelem prophetam . “Conuertimini
 40r,12 ad me in toto corde uestro . in ieunio et
 40r,13 fletu” Er sprach “bechert iuch her zvo mir in
 40r,14 allim iworm herzin . mit uastin . mit uvainin .”
 40r,15 schult ir witzin . daz div uaste niwet frumit
 40r,16 an almosin . niwet mer hilfet daz almosin ani
 40r,17 uasten . den div uaste ane almosin . Div vaste
 40r,18 mit dem almosin . daz ist ziwischiliz guot .
 40r,19 uaste ane almosin . ist dehein guot . daz en hilfet
 40r,20 die armen sele niht . daz sich der lip enthabet .
 40r,21 uon dem ezzenne . er enthabet . sich ovch uon den
 40r,22 suntin . von div . so wir uastin schulin . wir
 40r,23 unsich enthabet uon den suntin . schulin unsir

 40v,1 almosin unserme armen uil willechliche
 40v,2 geben . Daz hat er uns gebotin . Frange esurienti
 40v,3 panem tuum etc . Denchet daz ani .
 40v,4 ir da uil verre uon gote uon iuern suntin
 40v,5 entwichen birt . denchet wie ir ivch ime gehalten
 40v,6 meget . iuuer missetat riwendi . mit
 40v,7 iwer bihte . mit iuern zahern . mit iwer
 40v,8 uaste . mit iwerme almosin . mit andern guotin
 40v,9 werchen . daz ir luterlichen rainechliche .
 40v,10 uon iuern suntin in dirre heiligin dieuaste
 40v,11 garnin muozzit . mit luterme herzen . daz ir
 40v,12 got iuern herren mit der salicheit iwer sele .
 40v,13 wirdechliche enphahen schult in der heiligen
 40v,14 urstente . an deme urtaillichem tage . un-
 40v,15 ivch frowen muozzit mitsamt ime in dem
 40v,16 ewigen riche . Per omnia secula seculorum . Amen . Sermo . In
 quadragesima
 40v,17 Nv ist daz zit komin . daz wir unser sele
 40v,18 helfin schulin . un- ratin soltin . Uber
 40v,19 iare so helfin wir dem libe mit ezzin unde
 40v,20 mit trinchene . un- uolgin uns selbin allis
 40v,21 unsern muotwillen . un- wellin des niht wizen .
 40v,22 so wir deme libe ie baz mit uarin . so
 40v,23 er uns ie ze merorin suntin gelaitit . so er ie

 41r,1 losir ist . un- wirsir ist . So ir den lip uil wole
 41r,2 gazet un- getrenchet . so schundet er ivch sa

41r,3 ze bosin werchin . ze bosin wortin . Ze hohmuote .
 41r,4 ze aller slahte upicheit . Uon div . die uber iare
 41r,5 lebint nah ir muotwillen . die lebin doch dise
 41r,6 lutzelin zite in dirre vasten nach ir gewarheite .
 41r,7 unde diwingen den lip . un- helfin der sele .
 41r,8 wir wellin iv sagin . wie ir den lip diwingen
 41r,9 sult . ir sult mazelicher ezzin un- trinchen
 41r,10 den ze anderin ziten . Ir sult dicher ze chirken
 41r,11 gen . sult minner slafin . un- sult kuslicher
 41r,12 lebin . danne ze andern ziten . Ir sult iwer almosin
 41r,13 dicher gebin . sult den durftigen herbergen .
 41r,14 sult ime iwer ezzin gebin un- iwer trinchen .
 41r,15 sult ime helfin des gewantis al nach ivvern
 41r,16 statin . sult iwer bihte tuon . sult ivch ruogin
 41r,17 mineme trehtine unde ze iwerme briestir .
 41r,18 Ir sult buozze nemin allis des ir ie ze ubili
 41r,19 getatit . un- sult ivch bechennin allis iweres
 41r,20 unrehtis . daz ist der sele gelabede . un- ist deme
 41r,21 libe unsenfte . Mit susgetanin dingen . sult ir
 41r,22 ivch mineme trehtine genahen . un- sult ivch
 41r,23 gerehtin un gereinen uor disen ostern . daz [...] [...]

62r,16 In ascensione domini CONVESCENS .
 62r,17 precepit eis Iesus ab Ierosolimis ne discederent .
 62r,18 sed expectarent promissionem patris . Hiute
 62r,19 begen wir die wnneclichin tult . unsirs herrin
 62r,20 vfferte . hivte ist zestorit div vanchnusse
 62r,21 des mennischlichin geslahtis . Do unsir herre mit
 62r,22 sinen ivngirn wonte hie en erdi . do ne hetin

62v,1 si cheine girde hin ze himeli . Also ist geschribin
 62v,2 an dem heiligim ewangelio . Vbi est thesaurus
 62v,3 tuus ibi est et cor tuum . Daz sprac got . swa des mannis
 62v,4 schaz ware . da ware ovch sin herze . swaz der
 62v,5 man vor andirn sachin minnit . daz heizzit
 62v,6 sin schaz . swa er daz sin lieb weiz . da hin chert
 62v,7 er alliremzigisti sin gemvot . Die heiligin potin
 62v,8 die minnetin niht so uerre . so die geginwrt
 62v,9 des heiligin cristis . noch gereitin andirs niht
 62v,10 wan daz si in habin mit in muosin . Do weste
 62v,11 unsir herri daz wol . vnze er mit in ware . daz si
 62v,12 ir gemuote uon der erde ze himele niht uerwandelotin .
 62v,13 Vn- sprach zvo in . “Expedit uobis ut ego vadam .”
 62v,14 “Ia ist durft daz ich uon iv vare un- chumit iv
 62v,15 wol .” Si enim non abiero . paraclytus non ueniet ad vos . Vare
 62v,16 ich uon iv niht . so chumit iv des trostis niht .
 62v,17 Vnz ich vleischlichen mit iv bin . so ne wnschit
 62v,18 ir nihtwar mine gesprache . vn- wanit des niht

- 62v,19 daz ir iht bedurfit . an der geistlicher gebe . der
 62v,20 iv durft ware . Uar ich avir uon iv . so werdint
 62v,21 iwer girde nach mir . ich bin iwer schaz . da
 62v,22 danne iwer schaz ist da ze himele . da ist ovch
- 63r,1 iwer herze . nu birt ir durftic der gebe des heiligin
 63r,2 geistis . nu sente ovch ich iu din trostare .
 63r,3 der iweriv herzi nach miner hineverte gefrov
 63r,4 vn- getroste . Susgetane redi reite unser herri
 63r,5 mit sinen iungirn uor siner martyri . unde
 63r,6 nach siner urstende . alle vierzic tage erschein
 63r,7 in . un- bewarti si mangin endi . un- lerte si wie
 63r,8 si in daz gotisriche chomin soltin . Do wart ane
 63r,9 dem vierzigistim tage alse hivte ist . do ruochte
 63r,10 er mit in ze ezzin . un- gebot in daz si uon Jerusalem
 63r,11 iht entwichin . daz si da bitin un- wartin dem
 63r,12 geheizze den er in getan heti . Daz er mit sinen
 63r,13 ivngern az . e er ze himile vuor . daz uestinit
 63r,14 . s . lucas . der heilige e\,wangelista . Et conuescens .
 63r,15 precepit eis ab ierosolimis . Do der heilige crist mit sinen
 63r,16 ivngirn gaz . do gebot er in . daz si niene
 63r,17 entwichin von Jerusalem . daz si bittin sines geheizzis .
 63r,18 Da nach nam er zvo im sine muotir . s .
 63r,19 MARIA- . un- alli sine trute . un- vuorte si vz
 63r,20 der burch ze Jerusalem . in bethania- vf montem
 63r,21 oliueti . un- sprach zvo in . “Pacem meam do uobis .
 63r,22 pacem relinquo uobis . minin vrid gib ich iv . minin vride
- 63v,1 lazze ich iv . Et uidentibus illis eleuatus est . et
 63v,2 nubes suscepit eum ab oculis eorum .” Daz sprichit
 63v,3 . s . lucas . ze ir allir gesune vuor er ze himele . un-
 63v,4 der luft benam den heilant uon ir ovgin . Dannin
 63v,5 sprichet . s . dauid . Ascendit deus in iubilatione .
 63v,6 et dominus in voce tube . Die heiligin potin do si sahin
 63v,7 hin ze himele varn . den si sahen da vor
 63v,8 niwelichin totin woffin . den ruoftin si do an .
 63v,9 mit sogetanir mandunge die niemin erzellin
 63v,10 mac . noch si selbe uon deme wndir . daz
 63v,11 si in die mennischeit vf vuorn . sahen so ne mahtin
 63v,12 si niht sprechin . un- also in der mandunge
 63v,13 siner iungir . wor er ze himele . Un- vuor ovch ze
 63v,14 himele in einir stimme einis herhornis . Daz
 63v,15 bezeichinit daz . daz er in einir berhtilin stimme
 63v,16 dar vf wor . Do die engele uon himile got
 63v,17 engegin chomin . un- si unseres herrin botin
 63v,18 sahin . so harte erchomin un- wndretin sogetanir
 63v,19 zeichin . Do sprachin si zvo den ivngirn .
 63v,20 “Viri galilei quid statis aspicientes in celum Ir galileischin

63v,21 livte wes stet ir un- chaphet in den himil . Hic
 63v,22 Iesus . qui assumptus est a vobis in celum . sic veniet quemadmodum
 vidistis eum euntem in celum .

64r,1 Der heilant der nu uon iv gevarn ist . der chumit
 64r,2 her widere . also ir in nu uarn sahit hin
 64r,3 ze himele .” Ir schult daz wizzin waz daz bezeichini .
 64r,4 daz an siner ufferte zwene engil in wizzeme
 64r,5 gewati den botin erschinin . Swenne
 64r,6 wir unsich garwen in albe . so begen wir hoczit .
 64r,7 Also chomin die himelischin engeli goti
 64r,8 in schonim gewati engegine . un- enphiengin
 64r,9 ire herrn mit lobe un- mit sange mit vil grozzin
 64r,10 wnnin . do warn sumeliche engile da ze
 64r,11 himile . die des nie gewizzin wrdin . daz got
 64r,12 mennische was wortin . uon div daz div gotheit
 64r,13 ienti mitsamt in was . do die daz gesahin daz
 64r,14 der gotissun mit so tiwerlichem signufte
 64r,15 ze himele wor . do wnderotin si sogetanir chrefte .
 64r,16 Un- sprachin . “Quis est iste rex glorie” “Wer ist dirri
 64r,17 kunic sogitanir tiwre . un- so grozzir ere .”
 64r,18 Do antwrtin in andere engele die da mit
 64r,19 gewesin warn . da er geboren wart . da er gemartyrit
 64r,20 wart . da er erstuont . da er die helli
 64r,21 rovbti . un- sagitin den engelin wer er ware .
 64r,22 Dominus fortis . dominus uirtutum . dominus potens in prelio .

64v,1 “Er ist” sprechint si . “der starche herre . herre allir
 64v,2 tugindi . ein geweltiger herre ane sineme
 64v,3 wige . ein kunic allir tivre .” Nv frovt iuch hivte
 64v,4 der grozzin hoczit . der ufferte des heiligin
 64v,5 cristis . want disiv tult gemein ist uns un- den
 64v,6 engilin . uns uon diu . daz er hiute die mennischeit
 64v,7 gehohit hat . ubir alle himelischin
 64v,8 herschaft . un- uns eroffint hat . sin riche . der
 64v,9 engile ist ovch disiv frovdi gemaine . uon diu .
 64v,10 daz ir zal sol ervollit werdin mit uns . nu frovwin
 64v,11 wir unsich mit geistlicher mandunge in unsirme
 64v,12 herzin uerror den wir geredin megin
 64v,13 mit der zungin . Dar er gevarn si vor uns . dar
 64v,14 nach uolgin wir ime mit guotin werchin .
 64v,15 Er ist unsir schaz . nu minnin wir die stat da
 64v,16 unsir schaz ist . un- weruen da nach mit rehtim
 64v,17 lebin . daz wir denne . ze Jerusalem sinis geheizzis .
 64v,18 bitin daz wir vridelichen un- guotlihen mit anandir
 64v,19 lebin . so sentit er uns spiritum sanctum unsirn
 64v,20 trostare . daz wir in williclichen enphahin muozzin .
 64v,21 so hefet uf iwer herze . un- manit in sinir genadin .

- 64v,22 also er ivch an dem cruce loste mit sin
- 65r,1 selbis bluote . daz er ivch also teilnuftich mache
 65r,2 siner hern ufferte . Ad iuuante eodem domino nostro
 65r,3 Iesu Christo . Qui cum deo patre et spiritu sancto vivit et regnat per secula
 seculorum . AMEN .
- 65r,4 In ascensione . WIR begen hivte eine vil michili
 65r,5 hoczit . daz min trehtin ze himele vuor uor
 65r,6 allin sinin ivngirn . un- uor mangim wibe un-
 65r,7 manne . die uon allin landin dar chomin warn .
 65r,8 die des urchunde warn . daz er in deme selbim
 65r,9 bilde so er ze himile vuor . daz er also chunftich
 65r,10 ist ze erteilin totin un- lebintigin al nach ir
 65r,11 werchin . E aber uon sinen ivngirn schiede . so
 65r,12 getroste er si mit einim michilime troste . Er
 65r,13 az mit in un- zeichte sich in . daz er der selbe was .
 65r,14 der da begrabin wart . un- der da erstandin was .
 65r,15 Vn- gab in ovch den gewalt . zeichin ze tuon . totin
 65r,16 lebintic ze machin . siechin gesunt ze machin .
 65r,17 un- die behaftin z erlosin . un- gab in ovch die gnadi
 65r,18 daz si alle sprache kundin . un- santi si ubir
 65r,19 alle die werelt bridigin un- tovfín . daz si der
 65r,20 cristinheit chunt tatin die gnade die si uon
 65r,21 dem almahtigin goti uernomin un- gelernit
 65r,22 hetin . Nu bittit hivte den almahtigin got .
- 65v,1 daz er iu des helfe . daz ir im geuolgin muozzit .
 65v,2 dar er ivch selbe gewisit hat . er hat iv daz
 65v,3 geleite hin ze himele gebin . Er hat iv daz
 65v,4 himelrich enslozzin . daz iv besperrit uvas . Er
 65v,5 hat allin den sine gnade eroffint . die si da
 65v,6 suochein wellint . Ir schult abir vil wol wizzin
 65v,7 daz div selbe porte . div ze himele get . niemin
 65v,8 enphahit . wan den der sich siner sundin
 65v,9 hie erclagit hat . der si gebuozzit hat . der sich
 65v,10 mit guotin werchin vil wol gezieret hat . Von
 65v,11 div selbin livte . iz ist ein vil michil dinc . daz
 65v,12 uns geheizzin ist . Uns ist geheizzin daz himilriche .
 65v,13 Uns ist geheizzen div ewige vrovde . Vns
 65v,14 ist ovch daz geheizzin . daz wir sinen heiligin
 65v,15 engilin gelich werdin ob wir s garnin wellin .
 65v,16 Vber elliv disiv dinch so hat er sich selbin uns
 65v,17 geheizzin . daz wir in beschovwin schulin in
 65v,18 sinir gotheit . un- imir mere mit im sin . Quod ipse prestare .
 65v,19 Durch des almahtigin gotis willin . versumit
 65v,20 dise geheizze niht . denchet dar an . un-
 65v,21 sumit ivch niht . Dizze zit daz ist kurze . iwir
 65v,22 lebin ist ungewis . Nu man ivch der almahtigi

66r,1 got . daz ir sinen willen eruollin muzzit . Amen .
 66r,2 In die Sancto . pentecosten . Verbo domini celi
 66r,3 firmati sunt et spiritu oris eius
 66r,4 omnis uirtus eorum . Also hiute . do warn samit
 66r,5 die heiligin botin unseres herrin . des heiligin
 66r,6 cristis . in eime huse . vn- warin da wartinte des
 66r,7 geheizzis des in der almahtigi got gehiez . do
 66r,8 er ze himile vuor . do sprach er zvo in . “Multa habeo
 66r,9 uobis dicere . sed non potestis portare modo . cum autem uenerit etc .” er
 sprach
 66r,10 zvo in . “ich han iv vil ze sagine . des megit ir nu
 66r,11 allis niht getragin . Swenne iv nu chumit der
 66r,12 geist allir warheit . der lerit ivch alliz daz des
 66r,13 ir bedurfit . un- chundit iv alliz daz daz iv
 66r,14 chunftic ist .” Der geheiz ist hivte eruollit . Do si
 66r,15 da bittin mit forhtin durch der iudin ahtesale .
 66r,16 do santi in got einin trost uon den himilin .
 66r,17 also da geschribin ist . “Factus est repente de
 66r,18 celo sonus etc .” Alin gahis wart ein tumil . un- ein
 66r,19 chradin . uon himele . do chom der heilige
 66r,20 geist . un- erschein den herin botin . mit viwerinin
 66r,21 zungin . unde gab in daz gewizzin allir zvngin . do giengin si uz
 66r,22 baltlichin un- bridigotin alse in gebotin was .

 66v,1 in den ziten warn zesamine chomin allir slahte
 66v,2 livte . die untir deme himele sint . zvo den
 66v,3 hern hoczitin der heiligin ostirn in Jerusalem . die
 66v,4 erchomin alli . un- sprachin wnderinti zvo ainandir .
 66v,5 “Non ecce omnes isti qui loquuntur . galilei sunt etc .” “Wie
 66v,6 chumit ditze . daz die alli sint uon galilea . un-
 66v,7 redint iedoch unsir allir zvngen . da wir inne
 66v,8 geborn birn .” Des antwrtin in die heiligin botin .
 66v,9 un- sprachin . “Des ir da wntirt . daz ist div
 66v,10 gnade des heiligin wissagin . nu ist si uns uon
 66v,11 der gebe des heiligin cristis gesant .” des selbin
 66v,12 tagis wrtin gelovbic driv tusint man . un- alse
 66v,13 schiere do si getovffit wrdin . do enphiengin ovch
 66v,14 si die selbin gebe des heiligin geistis . daz ist div
 66v,15 iarelliche hoczit ditzis tagis . daz ist div tult der
 66v,16 himelischin gnadi . durch dirre hoczit liebi .
 66v,17 wart ze gehugde gesetzit div vil schoniv gewonheit .
 66v,18 daz iaricliche ze dirre tult div heilige cristenheit
 66v,19 gemeret wirt mit der heiligin toffe .
 66v,20 un- uon den gnadin des zvo chomintin geistis .
 66v,21 Jesv xp-i . daz gotis sal gewitit wirt . Disiv hoczit
 66v,22 wart bezeichinit in der altin e . do die ivdin

67r,1 uor cristes geburti erlosit wrdin vz egyptinlandi .
 67r,2 do azin si alreste e si vuorin .
 67r,3 daz osterliche lamp in egypto . daz si da mit
 67r,4 chomin in daz lant . daz got ir uordirn gehiez .
 67r,5 da nach chomin si zvo einim berge . hiez synai . an dem
 67r,6 vinfzegistin tage . do si daz lamp geofpheret
 67r,7 hetin . da erschein in unsir herri in einime michileme
 67r,8 viweri uf dem selbem bergi . un- gab
 67r,9 in da die heiligin . e . un- gebot in daz si iarliche
 67r,10 ze gehugdi des tagis . iemir mere zewai brot
 67r,11 niwis chornis ze sineme altare opherotin . Waz
 67r,12 ophirs ware daz Daz osterliche lamp . odir div losunge
 67r,13 des egiptiischin dienistis . daz ist wizzinlich .
 67r,14 allin den die div buoche chunnin . Quia
 67r,15 pascha nostrum immolatus est Christus . unsir herri cist .
 67r,16 der ist daz ware lamp . daz unsir sunti mit
 67r,17 sin selbis bluote hat uertiligit . der loste unsich
 67r,18 uon der helligin schalchait . unde hat uns erzeigit
 67r,19 den gedingin der hern urstende . An deme
 67r,20 vinfzehistime tage nach der slaht des lampis .
 67r,21 wart den iudin ir e gebin . do in got also wir
 67r,22 iv e seitin . erschein in grozzimi viwere uf einime

67v,1 berge . also glich an dem vinfzehistime
 67v,2 tage nach der urstende unsirs herrn Jesv
 67v,3 xp-i . also hivte ist wart gebin diu gnade des heiligin
 67v,4 geistis . den heiligin botin . uf einime hohim
 67v,5 sale . da si samit warn . Uzine erschein er
 67v,6 in in vivrinin zungen . inderhalbe in ir herzin .
 67v,7 er erluhte si mit dem liechte gotis gewizzinis .
 67v,8 mit der hizzle der warin minne . Hie was div
 67v,9 hohe des muoshusis . in der woste was div hohe
 67v,10 des bergis . daz sint div himelischin gebot .
 67v,11 un- die himelischen gebe . Div zewei brot . dei si
 67v,12 ze gehugedi offerotin dem tage da si ir e an
 67v,13 enphiengin . daz bezeichinit nu div zwei dinc .
 67v,14 dei wir goti bringin . div reine toffe . unde der heilige
 67v,15 gotis lichenname . Ist daz . daz wir got minnin .
 67v,16 so sentit er uns hute sinen heiligin geist .
 67v,17 deir erluhtet unsich . mit dem heiligim viure
 67v,18 der warn minne . uon div schulin wir behaltin
 67v,19 siniu gebot . so chumit er zvo uns . also er uns
 67v,20 geheizzin hat in dem heiligim ewangelio .
 67v,21 “Si quis diligit me etc .” Er sprichit . “swer mich minnit .
 67v,22 der behaltit miniv wort . den minnit

68r,1 ovch min vatir . un- chomin bedi zvo imi . un-
 68r,2 machin da unsir heimode .” Nu merchet mine

- 68r,3 vil liebin . wie groz div hoczit si . div chunft
 68r,4 des almahtigin gotis ze habin in der herberge
 68r,5 iweres herzin . warlichen solti dehein richir
 68r,6 herre . odir ein geweltigir vriwent zvo iwerme
 68r,7 huse chomin . mit allim vlizze wrde iwer hus
 68r,8 gechert un- gereinit . daz iwet da ware daz dei
 68r,9 ovgin iwers vriwendis irbelgiti . uon div cherge
 68r,10 ein ieclichez die bosheit ubilir werche uz sinime
 68r,11 herzin . der guoti garwet sine sele ze huse . merchit
 68r,12 waz der gotissun sprichit . “Veniemus et mansionem
 68r,13 apud eum faciemus . Wir chomin dar . un- machin
 68r,14 da unsire heimodi .” In sumelicher mennischin
 68r,15 herzi chumit got un- wonit iedoch da niht .
 68r,16 wie chumit daz . diu redi ist uns uil angistlich .
 68r,17 sint vil manige die grozzi riwe . ofte gewinnint . also
 68r,18 schiere so si denne ein chorunge des leidigin
 68r,19 tieuilis begriffet . leidir . daz si e da geriwestin .
 68r,20 daz viragezzint si danne . un- cherint widere
 68r,21 zvo den suntin . sam si se nie bewaintin . Von
 68r,22 div der got warlichin minnit . der siniv gebot
- 68v,1 behaltit . in des herze chumit got un- wonit
 68v,2 da . want div minne siner gotheit . div durchvert
 68v,3 in so . daz er nimmir mere durch deheine
 68v,4 korunge uon got gewichet . der minnet got
 68v,5 warlichen . des muot dehein bosiv gelust ubirwintit .
 68v,6 so der mennische iemer bose gelust minnit .
 68v,7 so er ie verror uon der gotisminne gescheidin
 68v,8 wirt . dannin sprichet er . “Qui non diligit me . sermones
 68v,9 meos non seruat .” “swer mich niht en minnit . der behaltit
 68v,10 ovch miniv wort niht .” Nu grifit in iwer
 68v,11 herze . un- schit ob ir got minnit . div gotisminne .
 68v,12 div wirt nimmir muozzich . ist div gotisminne
 68v,13 in des mennischen herze . so frumit si grozziv
 68v,14 dinch . Nu habit ir uernomin vil liebin . daz der
 68v,15 heilige geist erschein . also hivte ist . ob den zwelfbotin
 68v,16 unsers herrin . in vivrinin zvngin . un- gab
 68v,17 in daz gewizzin allir slahte zvngin . Die gygante
 68v,18 die wider got alse uns div here schrift seit . einin
 68v,19 turn hin zi himele zimberin woltin . die verlurin
 68v,20 die gemeinde einir zvngin . dennoch was
 68v,21 in der werelt niewan ein zvnge . von ir ubirmvote
 68v,22 wrdin si geschendit . daz ir zvo un- sibirzich wrdin .
- 69r,1 an den hern botin . die got diemvotlichin
 69r,2 vorhtin . wrdin alle zvngin geinmvotit ze einir
 69r,3 zvngin . hivte garnt der heiligin botin diemuot
 69r,4 grozzi tugint . do garnete der uvotrich ubirmuot

- 69r,5 grozzi schandi . Uon deme heiligem geiste
 69r,6 ist geschribin . “Spiritus eius ornauit celos .” Daz sprichet
 69r,7 div heiligen schrift . “der geist des heiligen
 69r,8 cristis . hat gezieret sine himele .” Die zierde
 69r,9 der himile . sint die tugint der guotin bridigare .
 69r,10 Die zierde hat uns . s . p . geleret . “Alii datur sermo
 69r,11 scientie etc .” Svmilichin ist gebin wistuom .
 69r,12 Sumilichin daz guote gesprache . sumilichen
 69r,13 der guoti gelovbi . sumilichin div gnade . daz si
 69r,14 die siechin gesunt machint . sumelichen daz si
 69r,15 wissagin sint . sumelichen daz si allir slahte
 69r,16 zvngin chosint . daz alliz sprichet . s . p . vrunit
 69r,17 ein geist . der heilige geist teilt einim ieglichem
 69r,18 also er wil . dannin sprichet . s . dauid . Uerbo
 69r,19 domini celi firmati sunt etc . Die himele sint geuestinit
 69r,20 uon dem gotis worte . un- alli dri tugindi
 69r,21 uon dem geiste sines mundis . daz gotiswort
 69r,22 ist der gotissun . der hat geuestenit sine
- 69v,1 himele die heiligen botin . Wiegetanir brode
 69v,2 die lerare uor der chunfte des heiligen geistis
 69v,3 warn . daz ist uns wizzinlich . un- nach siner
 69v,4 chunfte . wiegetanir sterche si do wrdin . daz
 69v,5 ist uns hiute wol erzeigt . der vil heilige hirte
 69v,6 allir cristenheit . s . Petrus wiegetanir brode
 69v,7 vn- wie grozzir uorhte er ware uor der chunfte
 69v,8 des heiligen geistis . daz chan iv wol gesagin
 69v,9 div smelinge div der ture da huote . wider . die s .
 69v,10 p . uerlovgenote sins schephares uon einis bosin wibes vorhtin .
 69v,11 uerlovgenote . s . p . sines schephares . do er den
 69v,12 grimmigin tot uorhte . do uerlovgenote er des
 69v,13 ewigin lebines . an den der schachare an dem cruce
 69v,14 erhanginir dingite . des lovvgenote . vf der
 69v,15 erde . der nu da vil uorhtleches gemuotis was .
 69v,16 wie chreftic er da nach uon der chunfte des
 69v,17 heiligen geistis wrdi . daz schult ir uernemin
 69v,18 do die heiligen zwelfbotin erwillet wrdin
 69v,19 des heiligen geistis . also hiute ist un- si baltlichen
 69v,20 bridegin begundin uon gote un- uon
 69v,21 allir slahte zungin reitin . do samenotin sich
 69v,22 die meister un- die wisen alle in Jerusalem . un-
- 70r,1 viengin die herin botin . un- sluogin si mit
 70r,2 geisilin . un- uerbutin in daz si iemir mere
 70r,3 gotis gewogin . do sprach . s . petrus mit michilir
 70r,4 orthabunge . “Obedire oportet deo magis
 70r,5 quam hominibus .” “Wir muozzin got mere gehorsam-
 70r,6 den iv livtin .” da nach sprach er . “Si iustum est in

70r,7 conspectu domini uos potius audire quam deum . iudicate .
 70r,8 non enim possumus que uidimus et audiuius
 70r,9 non loqui .” “Ist daz rehte in gotis geginwrt .
 70r,10 daz wir ivch haltir schulin uernem denne
 70r,11 got . daz irteilit . wir en megin des niht . wir
 70r,12 muozzin daz redin daz wir uernomin habin .
 70r,13 un- gehoret .” dannin giengin . s . p . un- andire
 70r,14 botin vrrolichin uon dem teidinge . daz si
 70r,15 des wert warin daz man si durich den namin
 70r,16 Jesu xp-i geschendit hete . Nu seht wie sich . s .
 70r,17 p . urovte . daz er geruorit wart . der e des . einir
 70r,18 bosin div w%ort vorhte . sogetanir liste werchare
 70r,19 ist der heilige geist . des tult hiute ist . der vil
 70r,20 heilige geist gewiste daiudin . der herphare
 70r,21 was . der den saltir tichte . er erwlt einin rindirhirte .
 70r,22 s . amos . daz er wissage wart . er irwlt

70v,1 einin kint daniellem daz er richtare wart
 70v,2 vbir alti rihtare . Er irwlt einin vischare . s . p .
 70v,3 un- machete in z einime vurstin allir der cristinheit .
 70v,4 Er irwlt einin ahtare . s . paulu- . un-
 70v,5 frumte in z einime lerare allir diete . Er irwlt
 70v,6 einin offnin suntare . s . matheu- . der wart ein
 70v,7 ewangelista . Ane disin dingin megit ir wol
 70v,8 merchin wie chreftic der listwrchare ist . der
 70v,9 iz alliz so schiere uerwandelot hat . Merchit
 70v,10 die heiligin lerare . die herin zwelfbotin . wie
 70v,11 brode si hiute der heilige crist vant . un- wie
 70v,12 chreftic er si machote . die in einime huse durch
 70v,13 der iudin vorhte sazzin . vn- niht wan einir zvngin
 70v,14 chundin . Do chom der heilige geist . un-
 70v,15 gab in daz si alir slahte zungin chositin
 70v,16 un- daz urastmuntlichen uon got bridigotin .
 70v,17 In der hern geburte unsires herrin des
 70v,18 gotissunis Jesu xp-i . do nam der heilige crist
 70v,19 die mennischeit an sich . an dirre hoczit also
 70v,20 hute ist . enphiengin div mennische den zvo
 70v,21 chomintin got in sich . An der hern wihe naht
 70v,22 wart got uon menschlicher nature mennische .

71r,1 An dirre tult wrdin div mennischen
 71r,2 ze gotin . An der heiligen schrift lesin wir daz .
 71r,3 daz der heilige geist . den zwelfbotin zewir gegeben
 71r,4 wart . ze alreste wart er in uf der erde gegeben
 71r,5 uon gote . do er liebilichin mitsamit
 71r,6 in wonte . do er zvo in sprach . “Accipite spiritum sanctum .
 71r,7 Quorum remiseritis peccata . remittuntur eis .” Er sprach .
 71r,8 “inphahit in ivch den heiligen geist . swem ir

71r,9 sine sunte uergebit . deme werdint si ovch uon
 71r,10 mir uergebin .” ze dem anderme male . warde er
 71r,11 in uon himele nach unseres herrin ufferte an
 71r,12 deme zehintin tage gesant . in daz hus da si samit
 71r,13 warin . An der erde wart gegeben der heilige
 71r,14 geist dar umbe . daz wir unsirn nahistin
 71r,15 uf der erde minnitin . Uon himele wart er andirstunt
 71r,16 gesant . daz wir got uon himele minnin
 71r,17 schulin . ubir alliz daz dir ist . Umbe waz
 71r,18 der heilige geist e uf der erdi gegeben wrde .
 71r,19 e uon himele z em ersti hie n erdi . da nach uon
 71r,20 himele . da mit ist uns bezeichinit . also . s . Johannes
 71r,21 kvit . “Qui non diligit fratrem suum quem uidet . deum
 71r,22 quem non uidet quomodo potest diligere .” Er sprichit .

71v,1 “Swer sinen brovdir niht minnit den er alle
 71v,2 tage siht . wie mac der got geminnin den er
 71v,3 da nindir hie siht .” Uon div minnin wir unsirn
 71v,4 nahistin minnin den der hie bi uns ist .
 71v,5 daz wir uon der minni unseres ebinxp-es chomin
 71v,6 megin ze des minne der ob uns ist . Si
 71v,7 unsir muot ie an denchinti an unserme nahhistin .
 71v,8 daz er got wirdeclichen erbietin muge .
 71v,9 daz unser sele daz garnin mege in got . daz
 71v,10 si sich her nach gevrovwin muozzi eweclichin
 71v,11 mitsamit ir ebincriste . in dem ewigime riche
 71v,12 uor goti . Tuon wir daz . daz wir unsirn nahistin
 71v,13 minnin . also uns selbi . so chomin wir
 71v,14 zvo der frowde der engelischen mandunge . von
 71v,15 der wir nu enphangin habin daz weti
 71v,16 des heiligin geistis . des oberisten uogetis . Dar schulin
 71v,17 wir ilin mit allir slahte girde . mit warn
 71v,18 minnin tages un- nahtis . da vrovwin wir unsich
 71v,19 iemir ane endi . Daz ist div heilige gesellschaft .
 71v,20 der himelischin burgare . da ist gewissiv
 71v,21 hoczit . die tult . die wir hie tultin . die
 71v,22 habint aneenge . habint ovch schier endi . Dort

72r,1 ist sicheriv rawe nimir dehein unwnne . da
 72r,2 ist der gewisse uride . der uns statelihen da gegeben
 72r,3 wirt . per dominum nostrum Iesum Christum . qui uiuit
 72r,4 et regnat cum deo patre in unitate spiritus sancti per omnia
 72r,5 secula seculorum . amen . In sancto die pentecosten .
 72r,6 Dvm complerentvr dies pentecostes .
 72r,7 erant omnes discipuli pariter in eodem loco etc .
 72r,8 Mine uil liebin ir schult wizzin wie groz disiv
 72r,9 hoczit ist . dannin alle hoczit die man beget
 72r,10 in der heiligin cristenheit aneenge habint .

- 72r,11 Sanctus Lucas der uier ewangelistaru- einir .
 72r,12 der seit uns also wir e sprachin uon disem tage .
 72r,13 “Dum complerentur dies pentecostes etc .” “Do erwillit wrdin
 72r,14 die vinfzic tage uon der urstende unseres herrn .
 72r,15 do warn samint die zwelfbotin in der
 72r,16 stat da si der heilant bitin hiez . un- wartin
 72r,17 des geheizzis des er in getan hete . do wart allis
 72r,18 gahis ein cradim un- ein getumele uon himele
 72r,19 also einis heizmuotigin geistis . un- erwlte
 72r,20 daz hus da si inne sazin . un- erschinin den
 72r,21 botin dar inne geteilte zungin also ein viwer .
 72r,22 un- saz uf ir ieglichin der heilige geist . un- gab

 72v,1 in an der stunde . daz si rediten allir slahte zungin .”
 72v,2 Der tac ist hivte erwlet . also in der gotissun
 72v,3 gehiez . do er uon in wor . “Cum uenerit paraclytus .
 72v,4 spiritus veritatis . ille” Er sprach zvo in . “swenni iv chumit paclytus
 72v,5 der heilige geist . der lert ivch alle die warheit
 72v,6 un chundit iv alliz daz . daz iv chunftic ist .” Paraclytus .
 72v,7 de ist gantfristet trostare oder ein vogit .
 72v,8 Nu seht liebin welich trostar der geist si . der
 72v,9 die zwelfbotin so troste un- uestinote . die durich
 72v,10 vorhtin der ivdin besperrit warn in einime hus .
 72v,11 do er in chom . daz si do baltlichin giengin vz
 72v,12 un- bridigotin in der stat ze Jerusalem . Nu seht wie
 72v,13 gesterchit ware . s . P . der durich uorhtin einis bosin
 72v,14 wibis uerlovgenote sines herrn an der martyr .
 72v,15 wie baltlichen er hivte daz gotiswort seiti
 72v,16 vor allin den vrstin die warn ze Jerusalem do in der
 72v,17 heilige geist starchti . Do chom iz also . daz in dem
 72v,18 zite allir slahte lute daz undir dem himele
 72v,19 was . sumeliche dar chomin warn die hortin
 72v,20 si redin ieglicher sine zunge . un- wnderotin
 72v,21 des . sumeliche sprachin si warn trunchin . des
 72v,22 antwrte . s . petrus . “iz en ist niht so ir wanit . daz

 73r,1 si trunchin sien . der heilige geist hat si erwillit
 73r,2 daz si muozzin sprechin .” Do wart div menige
 73r,3 vil groz der glovbintin . vnze daz die iudin nidin
 73r,4 begundin . un- viengin si . un- bluen si . un- wrfin
 73r,5 si in den charchare . hin ze mittirnaht chom
 73r,6 der engil vorhte . si vz in daz templu- . hiez si frastmundi
 73r,7 bridigin . Do des morgins wart . do chom
 73r,8 ein boti . sagite den furstin daz die livte in den
 73r,9 charchare geworfin warn . stuondin in dem templo
 73r,10 un- bechertin die menige . do sandin si iri
 73r,11 botin nach in . un- sluogin si an mit besmin un-
 73r,12 uirbutin in daz si iemir mere cristis namin

73r,13 gewinnin . Des antwrte . s . petrus . “Obedire oportet
 73r,14 deo magis quam hominibus .” “Wir schuln got
 73r,15 mere gehorsamin denni den mennischin .” Nu
 73r,16 seht wie gevestinit wart . s . Petrus daz er die furstin niht
 73r,17 widersaz . Nu liebin nu schult ir uernemin
 73r,18 wie ir den v^oogit un- den trostare schult gewinnin .
 73r,19 unser herri sprichet in dem heiligim ewangelio .
 73r,20 “Si quis diligit me . sermonem meum servabit etc .” Er kvit
 73r,21 “swer mich minnit der behaltit min wort . den
 73r,22 minnit ovch min vatir . un- chomin hin z ime .

73v,1 un- machin da unsir heimodi . un- wonin
 73v,2 mitsamit im .” Nu seht liebin wie salic der
 73v,3 ist . mit dem der heilige crist wonit . Nu reinint
 73v,4 iwer herze uon allir slaht achuste mit
 73v,5 lutirre bihte . mit warin riwen aller iwer
 73v,6 sundi . mit rehtir buozzi . daz in inphahen muozzit
 73v,7 den heiligin geist . einin warn trostare der
 73v,8 armin . un- den vogit iwerre sele . daz er ivch . un-
 73v,9 uns . un- alli die heiligin cristinheit ruochi ze
 73v,10 bevogitin . un- ze beschirmin uon allin ubelin
 73v,11 geistin . Des ruochi uns gewern spiritus sanctus . qui a
 73v,12 patre et filio procedit in unitate . Per omnia secula seculorum . Amen .
 73v,13 die pertecosten . IR Schult wizzin waz wir
 73v,14 hivte un- alle dise wochi begen . Do min trehtin
 73v,15 ze himele fuor . do wrdin sine ivngir harte
 73v,16 gevntrostit . daz si der saldin darbin soltin .
 73v,17 die si tagelich uon im hortin un- sahin . Do
 73v,18 getroste si min trehtin mit deme heiligim
 73v,19 geiste . den er ubir si sante . Der geist der zunte
 73v,20 un- erluhte ir herzi mit einir michilin
 73v,21 frovdi . un- lerte si allin wistuom . un- daz si alli
 73v,22 sprache chundin . Er gestarchite si ovch . daz si

74r,1 sich geteiltin ubir elliv div lant . ze pridigen
 74r,2 un- ze lern div gotiswort un- gotis warheit die
 74r,3 si uernomin hetin uon dem almahtigin goti
 74r,4 Er gestarchte si ovch . daz si alle not un- alle angst
 74r,5 liden in dirre werelt . un- daz si gemartyrit
 74r,6 wrdin durich den michilin trost des e\wigin
 74r,7 libes . Nu bittit hiute den almahtigin
 74r,8 got . daz er die selbin gnade des heiligin geistis
 74r,9 ubir ivch gesende . div ivch gelere un- gewise .
 74r,10 wie ir gotis hulde garnin schult . want
 74r,11 niemin niht guotis getuon mac an die hilfe
 74r,12 des heiligin geistis . Er gibit ware riwe . er
 74r,13 gibit warin antlaz allir iwir unde . Er gibit
 74r,14 triwe un- warheit . Er stillet haz un- nide . Er

- 74r,15 gibet den sin . un- die gnade daz sich der man siner
 74r,16 sundin innechlich beclagin mach . Er gibit
 74r,17 daz innechliche gebet . Er gibet ovch die gnadi
 74r,18 daz der man sine sunde bewainin mac .
 74r,19 Elliv guote chumit uon im . Uon div liebun
 74r,20 bevelhit ivch allirtagelich zvo den gnadin
 74r,21 des heiligin geistis . daz er ivch gewise un- geleite
 74r,22 zvo den e\wigin gnadin . Quod ipse prestare dignetur .
- 74v,1 In Natale s . Iohannis Baptiste INTER NATOS
 74v,2 mulierum non surrexit maior JohannE baptista . Hivte mine
 74v,3 vil liebun tultin wir die vleischliche geburt
 74v,4 . s . Iohannis des tovfares . daz lesin wir niht daz daz
 74v,5 ie deheinin heiligin verlihen wrde an got .
 74v,6 wan einim . s . Johanni . Sanctum iohannem gebar ein
 74v,7 vnbernintiv alt frowe . S . MARIA div was
 74v,8 magit uor der gotis geburte . div ist hivte un-
 74v,9 iemir magit . Elisabeth div gebar einin sun .
 74v,10 der was mennische also andere mennischin .
 74v,11 Sancta MARIA div gebar den gotissun . ihesum
 74v,12 Christum warn got warn mennische . iedoch wart
 74v,13 ir iewedirz gehundit uon dem heiligim engil
 74v,14 gabrele . also uns seit daz heilige ewangelium .
 74v,15 Fuit in diebus herodis . regis iudee . sacerdos . etc . Ein ewart was in
 74v,16 des kunigis herodis zitin in der altin e undir
 74v,17 den ivdin gehaizzin zacharias . des chone
 74v,18 hiez elisabeth . uon des bischolfis aaronis geslahte .
 74v,19 div lebtin beidiv rehte uor got . vn- warin
 74v,20 ie arbeitinti in gotis geboti . in ir rehti . alliz
 74v,21 ir lebin an clage . Hei a wie die sint . die dehein
 74v,22 sunte nieni sleht in dirre werelt . nehein
- 75r,1 lastir nie wndit . von div warn wizzinlichen
 75r,2 div zewai gemachede salich . die nie deheinir
 75r,3 slahte bosheit gewieltin . “Incedentes igitur in
 75r,4 omnibus mandatis et iustificationibus sine querela .”
 75r,5 Daz sprichet der heilige ewangelista . daz si beidiv
 75r,6 warn gente in gotis gebote . un- in Rehtim
 75r,7 werge ani clagi . div warin an sun . uon div . daz
 75r,8 elisabeth unberhaft was . dar umbe batin si got
 75r,9 lange . Da nach wart ze einir uespizit . do der
 75r,10 herre zacharias rovch hete geleit in ein rovchvaz .
 75r,11 also er berovchin wolde den altare in templo
 75r,12 domini . un- daz ivdiche volch vzzerhalbe stuont un-
 75r,13 betti . do erschein dem guotim ewarti der gotisboti
 75r,14 . s . Gabriel . der vil here engil . zeswinthalbe
 75r,15 bi dem altare . des erchom der ewart vil harte .
 75r,16 do sprach der engil zvo im . Ne timeas zacharia

- 75r,17 exaudita est oratio tua et elisabeth vxor tua pariet tibi filium etc . Daz sint
div
- 75r,18 wort des heiligin . engils er sprach . “Niwit
75r,19 en vurhte dir zacharia . vernomin ist da ze got
75r,20 din gebete . elisabeth din choni . gibirt dir einin
75r,21 sun . den solt v heizzin Johannem . der wirt dir ze
75r,22 mandunge . vn- ze frowde . un- vrovte sich vil manigir
- 75v,1 zi siner geburti . Der kint wirt here uor
75v,2 goti . der ne trinchet wedir win noch lutirtrank .
75v,3 er wirt erwillet des heiligin geistis . in sinir mvoter
75v,4 buche . un- becheret uil mangin israelischin
75v,5 zvo got ir herrin . Vn- der selbe kint . vurwert
75v,6 den gotissun in dem geiste . un- in der tuginde
75v,7 s . elye . ze becherin dei herze der uatir zvo den
75v,8 kindin . un- die ungelovbigin zvo der wisseheit .
75v,9 des guotin . un- ist ovch garwinti durnachtige diet
75v,10 zvo goti .” Wer mahte den vol lobin liebin livte .
75v,11 den got selbi lobte . “Inter natos mulierum non surrexit maior Iohanne
baptista .”
- 75v,12 Er sprach . daz undir wibis kindin nie niemin
75v,13 herri geborn wrde den s . Johannes . Er ubirtrifft
75v,14 alle wissage . un- allin den die uon wibin chomin
75v,15 sint . den uor get s . Johannes . Hivte wart geborn
75v,16 der kint . allir manni sune dir heriste . ebinglich
75v,17 den engilin . ain scherige des heiligin cristis .
75v,18 ein vronir bote des gotissunis . ein vanre
75v,19 des obristen kuniges . der altin e . un- der nivwin
75v,20 e . ein wariv swegile . Nu mini vil liebin .
75v,21 nu volgt der sinin stimme da er zvo iv ruoffit .
75v,22 “Agite penitentiam appropinquabit enim regnum celorum” Er ratit
- 76r,1 uns un- sprichet . “buozzit iwer unreht . iv nahit
76r,2 daz gotisriche .” lat ivch riwen daz ir wider gotis
76r,3 huldin getan habt . un- sentit den guotin . s .
76r,4 Johannem ze botin . daz er iv antlaz hivte erwervi
76r,5 allir iwer sunte . un- nach disime libe den
76r,6 ewigin lib . Prestante domino nostro iesv christo . ameN .
76r,7 de sancto Iohanne Baptista Sanc-tus IOHannes des
76r,8 tac wir hivte begen . der was . der minin trehtin
76r,9 tovfte . dem ovch min trehtin selbe urchunde
76r,10 gab . daz nieman heiliger lebin mahte . Er was
76r,11 ovch mines trehtinis vurbote . des genadin svlt
76r,12 ir ivch vil innechliche bevelhin . daz er minin
76r,13 trehtin ruoche ze bittin fur unsir sunde . daz ir
76r,14 daz garnin muozzit in dirre werelt daz ir die
76r,15 ewigin gnadi mit im besizzin muozzit da ze
76r,16 himele . Liebin livte uvir soltin dise misse andires

- 76r,17 begen denni wir tuon . Man beget dise misse
 76r,18 mit innechlichim spile . mit innechlicher
 76r,19 frovde . mit ezzinni . mit trinchin . mit wirtsefte .
 76r,20 daz minime trehtine nieni lichit . Swa so spil .
 76r,21 un- wirtsaft . un- unrehtiv frovde ist . da sint anderiv
 76r,22 upigiv dinc . da min trehtin mit erbelgit

 76v,1 wirt . Wir soltin bilde nemin wie mines
 76v,2 trehtines heiligin daz himelriche garntin mit
 76v,3 maniger unsenfte ir libes . mit uastin . mit wachin .
 76v,4 mit kuslichem lebin . mit diemuote . mit
 76v,5 allir slahte guote . Un- soltin ovch unsirin lip dewingin
 76v,6 uon schantlichen werchin . so ertin wir
 76v,7 mines trehtines heiligen . un- garnetin sine hulde .
 76v,8 un- genertin wir die sele . Sanctus Johannes des tac wir
 76v,9 hivte begen . der zoch sich in einin walt uon den
 76v,10 livtin . daz er sich deste baz mahte behuotin uor
 76v,11 allir slahte sundin . da dehein mennische mite bewollen
 76v,12 mach werdin . Des ezzin was armichlich . also
 76v,13 er z in der einode erwerbin mahte . Er virmeide
 76v,14 den win vn- allir slahte trinchin . da dehein svozze
 76v,15 ani was . Sin gewant was unsenfte uz hare gemachit
 76v,16 deme libe ze martyre . Deheine wne het er
 76v,17 in dirre werelt . Allir sin muot un- sin gedanc
 76v,18 was mit gote . Daz gotisreht un- die gotis warheit .
 76v,19 pridigote er uor armin un- uor richen . furstin
 76v,20 un- kunigen . unze an die wile daz im ein
 76v,21 kunic hiez daz hovbit ab slahin . Mit susgetanime
 76v,22 lebine . so garnote er daz himelriche . un- die gnade .

 77r,1 Nu seht an uns selbin ob wir der dinge indir
 77r,2 iht begen . Alles des unsirin lip gelustet
 77r,3 des virzihen wir in niht . so wir iz verriste bringen
 77r,4 mugen . Un- durich ditzes churzin libes
 77r,5 willen so virwrchin wir die ewigin gnade .
 77r,6 liebin livte nv denchit wie kurz dirre lib ist .
 77r,7 un- mit wie manigin notin disiv werelt bevangan
 77r,8 ist . un- keret iwerin muot der uone . die
 77r,9 wir doch vil unsanfte lazzin muozzin wir wellin
 77r,10 odir en wellin . nu beuelhit ivch gemainliche
 77r,11 deme guotin . s . Johanni mit libe un- mit sele .
 77r,12 daz er iv helfinde si un- wegindi ze dem almahtigin
 77r,13 gote . daz ir der gnade niht verstozzin werdit
 77r,14 die min trehtin allin saligen livtin gearwit
 77r,15 hat . Nu muozze ivch der almahtige got gesaligen
 77r,16 in sinime riche . un- erlivhte iweren sin
 77r,17 un- iwerin gedanc . mit den sinen gnadin . daz
 77r,18 ir nach disme armim libe daz gotisriche besitzin

- 77r,19 muozzit . so ir ze chirchin stet . so schult
 77r,20 ir ivch mineme trehtine beuelhin mit libe un-
 77r,21 mit sele . un- schult in vil innechliche bitten daz
 77r,22 er ivch in sinie- gewalte habi . un- daz er ivch beware

 77v,1 uor deme leidigem viande un- uor allir
 77v,2 siner gespenste . Ir schult bittin umbe die heiligin
 77v,3 christinheit . daz si min trehtin beschirme .
 77v,4 uor allim ubele . Ir schult bitten umbe alle
 77v,5 christene sele . daz si min trehtin uon allin ungenadin
 77v,6 erlose . Ir schult ovch bitten umbe alle
 77v,7 iwere viande . daz si min trehtin ze guote bechere .
 77v,8 Ir schult bitten daz iv min trehtin triwe
 77v,9 vn- warheit uerlihe . daz ir mit rehtin dingin
 77v,10 gotis hulde garnin muozzit . Quod ipse prestare dignetur .
 77v,11 DE . s . petro et paulo WIR BEGEN
 77v,12 hivte zwaier herrin tult . s . PETRI un- . s . Pauli
 77v,13 die got erwelte vor andirin ivngerin . daz si daz
 77v,14 gotisreht un- die gotis warheit schribin . un- pridigotin
 77v,15 der heiligin christinheit . Die selbi herrn
 77v,16 sint geheizzin an den buochin zwei lieht der
 77v,17 christinheit . wande div christinheit z erste wart erluhtit
 77v,18 uon ir wortin un- uon ir lere . daz si rehte
 77v,19 un- warheit begvndin z erchennin . Uon div .
 77v,20 erte si min trehtin vil grozziliche beidiv hie
 77v,21 en erdi un- da ze himele . Er erte . s . Petru- hie en
 77v,22 erde . daz er herre un- furste undir sinen ivngirin

 78r,1 ware . un- beualch im den gewalt in der christinheit .
 78r,2 daz einim ieslichem manne sine sunte uirgawe .
 78r,3 der mit warir riwe un- mit rehtir bechantnisse
 78r,4 zvo im chome . Vmbe daz ist an den buochin
 78r,5 geschribin . daz min trehtin . s . Petro gab die
 78r,6 himelsluzzil . die einim ieclichem man daz
 78r,7 himelrich eroffenotin odir bespartin al nach
 78r,8 sinen werchin un- nach sinen riwin . Den selbin
 78r,9 gewalt den . s . Petrus hete . den hat der pabes uon
 78r,10 rome . un- ein iesliech bischof . un- ein ieslich briestir .
 78r,11 swie sundich si sin . daz si alle die ledich
 78r,12 sagin ir sundin . die mit warir riwe zvo in chomin .
 78r,13 Swer abir der ist der got ungehorsam
 78r,14 ist . un- mit unrehte ringet . un- minime trehtine
 78r,15 dehein reht erbivtet . dem besperrint si daz
 78r,16 himelrich mit ir banne vnze an die wile . daz
 78r,17 si sich erchennint ir unrehtis . un- ze rehtir bechantnisse
 78r,18 chomint un- gehorsam werdint .
 78r,19 Sogetanin gewalt habint die bischoffe un- andir
 78r,20 briestir uon . s . Petirs halb . Sanctus Paulus wart

78r,21 ovch vil grozliche un- vil saliclich geerit . den
 78r,22 min trehtin ze einime trute erwelte . un- ze einim

78v,1 holdin uon einim unrehtim manni . der e des
 78v,2 alle die vienc un- sluoc die dir got mintin . Den
 78v,3 becherte min trehtin un- zeigete im tovgelichiv
 78v,4 dinc da ze himele . un- wart da geleret daz er sit
 78v,5 pridigote den livten hie en erde . Die selbin gotistrute
 78v,6 die wrdin einis tages gemartyrot ze rome .
 78v,7 Sante Petir wart gecruciget . S . Paulus wart
 78v,8 gehovbtet . un- gearnitin in disem kurcim libe
 78v,9 daz si daz gotisriche besezzin habint . da iemir
 78v,10 mit gnade un- mit vrovde sint . Nu bittit hivte
 78v,11 den guotin . s . Petru- un- den guotin . s . Paulum .
 78v,12 die gotistrute . daz si minime trehtin hivte ir
 78v,13 martyr zeigin fur uns . daz uns daz himelrich
 78v,14 uf getan werde . des si gewalt habint uf ze tuon
 78v,15 allin saligen livtin . Wir mannin ivch hivte .
 78v,16 daz ir ivch vil innecliche zvo minime trehtine
 78v,17 cherit . da birt ir behaltin . da ist trost . da ist
 78v,18 div gnade . Salic ist der . der sich an in lazzit .
 78v,19 der in minnet . der in uor sinen ovgin hat . deme
 78v,20 mac niht gewerrin . der ist behuotit in allin stetin .
 78v,21 Deme sit ir hivte beuolhen mit libe un- mit
 78v,22 sele . der muozze ivch beschirmin mit der sinir

79r,1 zeswen . un- geb iv den ewigen lip . Quod ipse prestare dignetur
 79r,2 DE apostolis petro et paulo NIMIS HONORATI
 79r,3 Sunt amici tui deus . nimis confortatus
 79r,4 est principatus eorum . Div wort des heiligin wissagin
 79r,5 des hern dauidis . div wort der obristin warheit .
 79r,6 des vil heiligen geistis habit uirnomine mine
 79r,7 vil liebin . dei wort chomin gevelliclichen der
 79r,8 hern hoczit ditzes tages . uon div . daz wir hivte
 79r,9 der tulte begen . an den div wort erwollet sint .
 79r,10 div wir e da sprachin . “Nimis honorati sunt etc .”
 79r,11 dei selbin wort wellin wir iv dutin . daz ir doch
 79r,12 wizzit waz si bezeichinin . Si sprechint dusin
 79r,13 alsus . “Nimis honorati sunt etc .” “Dine uriwent herre
 79r,14 got . die sint vil grozze geret . vil vaste ist ir herschaft
 79r,15 geuestinit .” Der heilige wissage dauid
 79r,16 schribet . daz die vriwent gotis wol gerit sin .
 79r,17 Wer avir die sin . die gotis uriwent sin . daz erzeicte
 79r,18 selbe unsir herre in dem heiligim ewangelio .
 79r,19 da er sprach . Uos amici mei estis si feceritis que precipio vobis . Er
 79r,20 sprach “ir birt mine vriwent . ob ir tuot daz ich
 79r,21 iv gebivte .” ze weme sprach er daz . daz tet er zvo
 79r,22 sinen ivngerin . ze sinen zewelfbotin . uns un-

- 79v,1 iv sprichet er zvo . dei selbin wort . alle die sint sine
 79v,2 vriwent . die sinen willen tvont . Iedoch undir allin
 79v,3 sinen vriwendin sint sini heimelicher holdin
 79v,4 . s . Petrus un- . s Paulus . die daz garnit habint .
 79v,5 daz si von sinen gnadin erwelt sint ze zewein furstin
 79v,6 allir cristenheit . wa uon . Da trunchin si den
 79v,7 chelich unsiris herrin . littin durch got michile
 79v,8 martyr . da uon wrdin si gotis uriwent . uon div
 79v,9 sint hiute die zewene vil heilige gotistrute . Petrus
 79v,10 et Paulus . die gotisvriwent grozze gert . un-
 79v,11 ist ir herschaft . ir furstin tuom vil starche geuestinit .
 79v,12 Nu seht miniv uil liebin kint . nu merchet
 79v,13 vil verre . wie geeret sin die gotisvriwente .
 79v,14 un- wie ir herschaft si gestatiget . sanctus Petrus was
 79v,15 ein armir vischare . muose sine lipnare werbin
 79v,16 mit sinen handin . un- mit andirme liste . Sanctus
 79v,17 Paulus . der was ganamit saulus . der was ein ahtare
 79v,18 der cristenheit . der hete den gewalt uon den
 79v,19 herstin ivdin . swa er deheinen christinman begriffe
 79v,20 daz er si gebuntine uvorte in Jerusalem . Er erwelte
 79v,21 Petru- einin vischare . vn- machote in ze einim
 79v,22 bridigare . Er irwelte einin ahtare der cristenheit

 80r,1 un- machoti in z einim getriwem christen .
 80r,2 Er ladite einin vischare ab deme mere . un- machoti
 80r,3 in z einim vurstin siner botin . un- allir
 80r,4 der christinheit . Er ladite einin ahtare . un- satzite
 80r,5 in z einime lerare allir werelte . Er huob Petru-
 80r,6 uon grozzir armot . un- beualch im die himilsluzzil .
 80r,7 er irhvob Paulu- einen meintatigin im
 80r,8 selbim z einim erweltim trute . Got erzeugte Petro
 80r,9 uf einim berge thabor die trute siner gotheit .
 80r,10 Paulus wart vleischlichen geuvorit in disim lebin
 80r,11 in daz obriste himelrich . daz er gotis tovgin ersach .
 80r,12 dei dehein mennische gezellin getar . ir iewedir .
 80r,13 Petrus et Paulus wrdin hie in disem lebin der gotis tovgin
 80r,14 gewist . daz si mit vleischlichen ovgin gesahin .
 80r,15 daz verre ubir der mennischin stat was . Von
 80r,16 div sint die vriwent gotis wol geret . O wi wie
 80r,17 wnderlich div gotis gnade ist . wie groz div heilicheit
 80r,18 sinir guoti ist . Petro schadite niht div nidir
 80r,19 sines geslahtis . noch sines ambtes . noch Paulo
 80r,20 daz unreht sines ubelis . uon div schult ir
 80r,21 got uerre lobin sinir guote . daz er niemin widert
 80r,22 durch sin niderez chunni . Niemin si der durch

 80v,1 sin unreht antlazzis gezwuiele . want ani Paulo

80v,2 dem daz unreht an gesigin hetu . daz ubirtraf
 80v,3 div gnade . Von div . vlegi iwer ieglicher got umbe
 80v,4 sine missetat . mit iwerin zahern . mit andirin
 80v,5 guotin werchin . ladit vil innechliche ze iwerre
 80v,6 hilfe die vil here vriwent unseres herrin . Petru-
 80v,7 un- Paulu- . die hivte so vil geret sint uon goti .
 80v,8 un- der herschaft hivte daz si got geuestinit ist .
 80v,9 Der kunic nero der martyroti si beide also hiute
 80v,10 ist . Petru- hienc er an daz cruce . Paulo sluoc er
 80v,11 daz hovbit abe . daz mahte er hie wol tuon . iedoch
 80v,12 en mahte er in ir furstlichen gewalt niht benemin .
 80v,13 uon div daz si gephlantzit hetin die heiligen
 80v,14 christinheit mit ir bluote . ir lichenamin
 80v,15 sluoc nero . ir sele en mahte er dehein schade sin .
 80v,16 die armuot ditzes brodin lebinis mahte er in
 80v,17 beidin benemin . die tivre des untodelichen lebinis .
 80v,18 der en mahti er in niht benemin . uon div .
 80v,19 daz in got geheizzin hete . “Cum sederit filius hominis
 80v,20 in sede maiestatis sue . tunc sedebitis et vos
 80v,21 super sedes iudicantes duodecim .” Do den gotissun . s . Petir uragte . waz
 er
 80v,22 in ze lone gabe daz si im gevolgit hetin . do gehiez

81r,1 er in . swenni er gesazze uf den stuol sines gewaltis .
 81r,2 so gesazzin ovch si uf zwelf stuole alli werelt ze rihtin .
 81r,3 daz lon habint si enphangin . Von div mine
 81r,4 vil liebin . bittit vil vlizzechlichen iwer orthabare
 81r,5 . s . Petru- un- . s . Paulu- . daz si durch ir martyr ere .
 81r,6 got umbe unsire not ulegin . daz wir ditze
 81r,7 brode lebin also uerendin muozzin . daz wir
 81r,8 die suozze der ewigin salde an unserre hinverte .
 81r,9 vrolichen enphahen muozzin . Quod ipse prestare dignetur cuius
 81r,10 regnum et imperium sine fine permanet in secula seculorum . aMen .
 81r,11 De sancta . Maria . Magdalena . hIVTE IST
 81r,12 ein vil here misse . dannin wir sundigin livte
 81r,13 vil michelin trost habin mugin . un- michil
 81r,14 zvoversicht . Hivte begen wir einis vil heiligin
 81r,15 wibes misse . div hiez maria div suntarinne .
 81r,16 div was bewollin vil dicke mit brodicheit ir
 81r,17 libes . un- hete ein vil michel teil getan wider gotis
 81r,18 huldin . Do erzeugte min trehtin sine michele
 81r,19 guote ubir si . die er allin den erzeugt . die sine
 81r,20 gnade innechlich besuochint . wan so der man
 81r,21 odir daz wib ie sundiger ist . so si min trehtin
 81r,22 ie schierre erhoret . die mit riwe un- mit ir zaheren

81v,1 ze ime vliehint . un- sich schuldich ime ergebint .
 81v,2 Also tet daz guote wib . si gedahte was si hete

- 81v,3 getan . vn- wie si ir lip bewollen hete . un- schamte
 81v,4 sich des . un- begunde iz clagin . un- begunde iz
 81v,5 ze weinin vil innechliche . un- gedahte an die gotisgnade .
 81v,6 un- gedahte daz min trehtin durich
 81v,7 sundige livte her ze erde chomin was . un- chom
 81v,8 zvo im da er saz mit sinen ivngirn . un- anderre
 81v,9 micheler menigi . un- viel ze sinin fuozzin mit
 81v,10 innechlichen zaheren . un- kuste die . un- halste
 81v,11 die . un- ergab sich da schuldich allir ir sundin .
 81v,12 un- suochte da gnade . Die si da bechandin . daz
 81v,13 si ein sundic wip was . die hiezzin si uf hohir
 81v,14 sten . wie si getorste den heiligin lip biruorin mit
 81v,15 ir sundigem libe . Do erzeugte avir min trehtin
 81v,16 sine vil michele guote . wande si innechliche genade
 81v,17 da gesuochit hete . un- virgab ir alle ir sunde .
 81v,18 un- getroste si mit dem troste des heiligen
 81v,19 geistis . Do wart si gevrovt . un- garnte sit sine
 81v,20 hulde also grozliche . daz er ir z allirerste erschein
 81v,21 dvo er erstuont . Von div liebun livte gibet uns
 81v,22 min trehtin einin michilin trost . so wir sine

 82r,1 hulde un- sine gnade verwrchin . Er kuit . “Quacumque
 82r,2 hora peccator ingemuerit et conuersus fuerit
 82r,3 omnium peccatorum suorum non recordabor .” Er kvit . “swelhis
 82r,4 tagis sich der suntar becheret . un- innechliche
 82r,5 sine sunti beclagit . un- zvo mir gevlihet . des tagis
 82r,6 irgizze ich aller siner sunde .” uon div gedenchit
 82r,7 an ivch selbe . gedenchit waz ir gefrumit habit
 82r,8 unrehtis mit iwerme libe . un- vliehit zvo minime
 82r,9 trehtine . un- erget ivch schuldich . so uergit
 82r,10 er iv alle iwere sunte . un- gibet iv den ewigin lip .
 82r,11 Nu bittet hivte die heiligin MaRIa- der min
 82r,12 trehtin ir sunde uergab . daz si uns wegindi si .
 82r,13 daz ovch wir mit warin riwen ze sinen genadin
 82r,14 gevliehin muozzin . un- daz gotisriche mit ir besitzin
 82r,15 muozzin . Quod ipse prestare dignetur De . s . laurentio
 82r,16 SWER HIVTE Her chomin ist mit
 82r,17 guotim willen . vn- warliche durch got . sine sunde
 82r,18 ze clagine . der sol michelin trost habin un-
 82r,19 michele zv\oversiht ze dem guotim . s . Laurentio
 82r,20 der daz wider got gearnit hat . daz er allin den
 82r,21 gehelfin mac . die mit notin un- mit angistin
 82r,22 begriffin sint . un- mit sundin bewollin sint .

 82v,1 Uon div bittet hivte den guotin . s . Laurentiu- der
 82v,2 in einime viwer lac un- niene bran . daz er uns helfe
 82v,3 umbe den almahtigin got . daz wir alle die gelust
 82v,4 unrehtir dinge erleschin muozzin an unsirme

- 82v,5 libe . die uns ze sundin un- ze unrehte laitint .
 82v,6 Ir schult wizzin waz viweres daz si daz uns die
 82v,7 sele uerbrennit . daz ist daz fiwer so wir enzundit
 82v,8 werdin uon zorne . uon nide . uon hazze . uon
 82v,9 ubervnste . uon huores geluste . uon andirin upigin
 82v,10 dingen . Von sogetanime fiwere schult ir
 82v,11 bittin minin trehtin daz er ivch beware un- beschirme .
 82v,12 Bittent den guotin . s . Laurentiu- daz er
 82v,13 iv helfende un- wegindi si wider den almahtigin
 82v,14 got . daz ir die sele genert . un- daz ir mit rehtim
 82v,15 gelovbin . un- mit warir riwe iwer sunde uon
 82v,16 de uon dirre werelt scheidin muozzit . Quod ipse prestare .
 82v,17 DE sancto laurentio . IOCUNDVS homo qui
 82v,18 miseretur et commodat . disponat sermones suos in
 82v,19 iudicio . Wie salic der si . mine vil liebin . der sich
 82v,20 hie in dirre werelte ubir den armin erbarmit .
 82v,21 daz hat wol eroffint . s . dauid der heilige wissage .
 82v,22 Iocundus homo qui miseretur etc . Er sprach . daz der
- 83r,1 mennisch wnesam si uor got . der barmherz si .
 83r,2 un- des sines entlihe hie in diseme leben . der si
 83r,3 ovch ie antraitente siniv chose ze gotis urteile . Wan
 83r,4 warliche ein iegliche mennische muozze an dir
 83r,5 ivngistin vrteil so sele un- lip sich gesaminit . got
 83r,6 in rede gen . allis des . des si uf dirre erde getuont .
 83r,7 iz si guot odir ubil . also . s . Paulus sprichet . “Omnes
 83r,8 astabimus ante tribunal Christi . ut referat unus
 83r,9 quisque . provt gessit in corpore .” Da dahte wol an der vil guote
 83r,10 man . s . Laurentius . des tult hiute ist . dem beualch
 83r,11 sin meistir ein pabis ze rome . hiez . s . xyxtus
 83r,12 sinen schaz do man in ze der martyr fuorte . des
 83r,13 pabis archidiaconus was . s . Laurentivs . do erzeugte
 83r,14 der vil heilige man sine guote triwe . die er widir
 83r,15 sinin maistir hete . s . xyxtu- . un- wider sine sele .
 83r,16 do fuor er zvo un- samenote gotis armin . witwen
 83r,17 vn- weisin . un- teilte in sinis maisters schaz . daz
 83r,18 er den heidenischen wotrichen iht wrde . un-
 83r,19 daz ovch an im eruollet wrde div heilige schrift .
 83r,20 Dispersit dedit pauperibus iusticia eius manet in seculum seculi .
 83r,21 Er teilte gab den armin . sin reht ist ewic . Da
 83r,22 nach wart er gevangin . un- wart vil harte gemartyrot